


PL
2517

Y78
1699

V.3



玉堂才調集

真一百七十四首

杜審言

一首

宋之問

一首

韋元旦

一首

張九齡

一首

張諤

一首

王維

一首

杜甫

四首

劉長卿

七首

錢起

二首

鮑防

一首

李嘉祐

二首

韓翃

三首

盧綸

一首

耿漳

一首

司空曙

一首

崔崑

一首

楊郇伯 一首

戴叔倫 一首

朱灣 一首

王建 九首

劉禹錫 八首

韓愈 一首

柳宗元 二首

楊巨源 一首

張籍 五首

元稹 三首

白居易 二十六首

牛僧孺 一首

李紳 一首

賈島 三首

姚合 三首

周賀 二首

章孝標 一首

朱慶餘 一首

王初 一首

李商隱 二首

溫庭筠 三首

杜牧 三首

許渾 四首

趙嘏 一首

劉威 一首

薛能 二首

劉滄 一首

項斯 一首

雍陶 一首

紀唐夫 一首

李羣玉 一首

李鄴 一首

嚴郭 一首

李頻 二首

方干 一首

高駢 一首

司空圖 一首

唐彥謙 一首

皮日休 二首

陸龜蒙 四首

李洞 二首

曹唐 一首

鄭谷 二首

李山甫 一首

杜荀鶴 六首

吳融 一首

韓偓 一首

曹松 一首

劉兼 三首

王貞白 一首

李中 二首

韋莊 一首

黃滔 一首

廖匡圖 一首

羅隱 四首

譚用之 二首

徐寅 二首

李建勳 二首

張泌 一首

王仁裕 一首

玉堂
皎然一首

魚玄機一首

真

春日京中有懷

杜審言

今年遊寓獨遊秦
愁思看春不當春
上林苑裏花徒發
細柳營前葉漫新
公子南橋應盡興
將軍西第幾留人
寄語洛城風日道
明年春色倍還人

和趙員外桂陽橋遇佳人

見玉臺後集

宋之問

江雨朝飛浥細塵
陽橋花柳不勝春
金鞍白馬來從戲
玉面紅妝本姓秦
妬女猶憐鏡中髮
侍兒堪感路傍人

鄭谷 二首

李山甫 一首

杜荀鶴 六首

吳融 一首

韓偓 一首

曹松 一首

劉兼 三首

王貞白 一首

李中 二首

章莊 一首

黃滔 一首

廖匡圖 一首

羅隱 四首

譚用之 一首

徐寅 二首

李建勳 一首

戴然 二首

魚玄機 一首

玉堂才調集

眞

春日京中有懷

杜審言

今年遊寓獨遊秦
愁思看春不當春
上林苑裏花徒發
細柳營前葉漫新
公子南橋應盡興
將軍西第幾畱賓
寄語洛城風日道
明年春色倍還人

和趙員外桂陽橋遇佳人

見玉臺後集

宋之問

江雨朝飛浥細塵
陽橋花柳不勝春
金鞍白馬來從趙
玉面紅妝本姓秦
妬女猶憐鏡中髮
侍兒堪感路傍人
蕩舟爲樂非吾事
自歎空閨夢寐頻

奉和立春遊苑迎春

韋元旦

灞浹長安恒近日
殷正臘月早迎新
池魚戲葉仍含凍
宮女裁花已作春
向苑雲疑承翠幄
入林風若起青蘋
年年斗柄東無限
願挹瓊觴壽北辰

奉和聖製早發三鄉山行

張九齡

羽衛森森西向秦
山川歷歷在清晨
晴雲稍卷寒巖樹

宿雨能

一作微

消御路塵
聖德由來合天道
靈符卽此應

時巡遺賢一一皆羈致
猶欲高深訪隱淪

九日

張諤

秋天林下不知春
一種佳遊事也均
絳葉從朝飛著夜

黃花開日未成旬將橫陌樹頻驚馬半醉歸途數問人
城遠登高併九日茱萸凡作幾年新

春日與裴廸過新昌里訪呂逸人不遇

王維

桃源面面絕

一作少

風塵柳市南頭訪隱淪到門不敢題

凡鳥看竹何須問主人城外青山如屋裏東家流水入
西隣閉戶著書多歲月種松皆作老龍鱗

南鄰

杜甫

錦里先生烏角巾園收芋栗未全貧慣看賓客兒童喜
得食階除鳥雀馴秋水纔深四五尺野航恰受兩三人

白沙翠竹江村暮相送柴門月色新

題鄭縣亭子

鄭縣亭子澗之濱戶牖憑高發興新雲斷嶽蓮臨大路
天晴宮柳暗長春巢邊野雀羣欺燕花底山蜂遠趣人
更欲題詩滿青竹晚來幽獨恐傷神

九日

去年登高鄴縣北今日重在涪江濱苦遭白髮不相放
羞見黃花無數新世亂鬱鬱久爲客路難悠悠常傍人
酒闌却憶十年事腸斷驪山清路塵

又呈吳郎

堂前撲棗任西鄰無食無兒一婦人不爲困窮寧有此
祇緣恐懼轉須親卽防遠客雖多事使插疎籬却甚真
已訴徵求貧到骨正思戎馬淚盈巾

送耿拾遺歸上都

劉長卿

若爲天畔獨歸秦對水看山欲暮春窮海別離無限路
隔河征戰幾歸人長安萬里傳雙淚建德千峯寄一身
想到郵亭愁駐馬不堪西望見風塵

送馬秀才落第歸江南

南客懷歸鄉夢頻東門悵別柳條新殷勤斗酒城陰暮
蕩漾孤舟楚水春湘竹舊斑思帝子江蘼初綠怨騷人

憐君此去未得意陌上愁看淚滿巾

題靈祐和尚故居

歎逝翻悲有此身禪房寂寞見流塵
多時行徑空秋草幾日浮生哭故人
風竹自吟遙入磬雨花隨淚共沾巾
殘經窗下依然在憶得山中問許詢

尋龍井楊老

柴門草舍絕風塵空谷耕田學子真
泉澗一作咽恐勞經

隴客山溪不覺有秦人手攀一作栽松樹蒼蒼老身卧桃

園寂寂春惟有胡麻當雞黍白雲來往未嫌貧

訓屈突陝

落葉紛紛滿四鄰
蕭條環堵絕風塵
鄉看秋草歸無路
家對寒江病且貧
藜杖懶迎征騎客
菊花能醉去官人
憐君計畫誰知者
但覺蓬蒿空沒身

鄧上送韋司直歸上都舊業

司士卽鄭公之孫
頃客于鄧上

前朝舊業想遺塵
今日他鄉獨爾身
鄧地國除爲過客

杜陵家在有何人
蒼苔白露

一作石

生三逕古木寒蟬滿

四鄰此去茫茫盡
秋草離心萬里逐
征輪

一作西去茫
茫問歸路關

河漸近
淚盈巾

戲題贈二小男

異鄉流落頻生子
幾許悲歡併在身
欲並老容羞白髮

每看兒戲憶青春未知門戶誰堪主且免琴書別與人
何幸暮年方有後舉家相對却沾巾

送張員外出牧岳州

錢起

鳳凰銜詔與何人善政多才寵寇恂臺下鴛鸞爭送遠
岳陽雲樹待行春自憐黃閣知音在不厭彤襜出守頻
應笑馮唐衰且拙世情相見白頭新

送興平王少府遊梁

舊識相逢情更親攀歡甚少愴離頻黃綬罷來多遠客

青山何處不愁人日斜官樹聞蟬滿

一作蛻

雨過關城見

月新梁國遺風重詞賦諸侯應念馬卿貧

送薛補闕入朝

鮑防

平原門下十餘人獨受恩多未殺身每歎陸家兄弟少
更憐楊氏子孫貧柴門豈斷施行馬魯酒那堪醉近臣
賴有軍中遺令在猶將談笑對風塵

自蘇臺至望亭驛人家盡空春物增思悵然有作

因寄從弟紆

李嘉祐

南浦菰蒲覆白蘋東吳黎庶逐黃巾
埜棠自發空流水

江燕初歸

一作飛

不見人遠樹

一作岫

依依如送客平田渺

渺獨傷春那堪回首長洲苑烽火年年報塵

晚登江樓有懷

獨坐南樓佳興新青山綠水共爲隣爽氣遙分隔浦岫
斜光偏照渡江人心閒鷗鳥時相近事簡漁竿私自親
只憶帝京不可到秋琴一弄欲沾巾

題張逸人園林

韓翃

藏頭不復見時人愛此雲山奉養真露色點衣孤嶼曉
花枝妨帽小園春時携幼穉諸峯上間濯眉鬚一水濱
興罷歸來還對酌茆簷掛著紫荷巾

送王少府歸杭州

歸舟一路轉青萍更欲隨潮向富春吳郡陸機稱地主
錢塘蘇小是鄉親葛花滿地一作把能消酒梔子同心好

贈人早晚重過漁浦宿遙憐佳句篋中新

送人歸南陽

都門霽後不飛塵草色萋萋滿路春雙兔坡東千室吏
三鴉水上一歸人愁眠客舍衣香滿走渡河橋馬汗新
少婦北來多遠望應知蟠子上羅巾

送崔琦赴宣州幕

盧綸

五馬臨流待幕賓羨君談笑出風塵身閒就養

去聲

寧辭

遠世難移家莫厭貧天際曉山三峽路津頭臘市九江
人何處遙知最惆悵滿湖青草雁聲春

送友人歸南海

耿漳

遠別悠悠白髮新
江潭何處是通津
潮聲偏懼初來客
海味惟甘久住人
漠漠烟光前浦晚
青青草色定山春
汀洲更有南迴雁
亂起聯翩北向秦

閒園卽事寄疎公

司空曙

欲就東林寄一身
尚憐兒姪未成人
柴門客去殘陽在
藥圃虫喧秋雨頻
近水方同梅市隱
曝衣多笑阮家貧
溪山蘭若何時到
羨與閒雲作四隣

贈元秘書

崔尚

舊書稍稍出風塵
孤客逢秋感此身
秦地謬爲門下客
淮陰徒笑市中人也
聞阮籍尋常醉見說
陳平不久貧

幸有故人茅屋在更將心事問情人

妓人出家

楊郇伯

盡出花鈿與四鄰雲鬟剪落厭殘春
暫驚風燭難畱世便是蓮花不染身
貝葉欲翻迷錦字梵聲初學誤梁塵
從今艷色歸空後湘浦應無解珮人

暮春感懷

戴叔倫

四十無聞懶慢身放情丘壑任天真
悠悠往事杯中物赫赫時名扇外塵
短策看雲松寺晚疎簾聽雨草堂春
山花水鳥皆知已百遍相過不厭貧

尋隱者韋九於東溪草堂

朱灣

尋得仙源訪隱淪
漸來深處漸無塵
初行竹裏惟通馬
直到花間始見人
四面雲山誰作主
數家烟火自爲隣
路旁樵客何須問
朝市如今不是秦

題金家竹溪

王建

少年因病離天仗
乞得歸家自養身
買斷竹溪無別主
散分泉水與新一作西鄰
山頭鹿下長驚犬
池面魚行不

怕人鄉使到來一作門

常欵語還聞世上有功臣

題應聖觀

觀卽李林甫舊宅

精思堂上畫三身
迴作仙官度美人
賜額御書金字貴
行香天樂羽衣新
空廊鳥啄花磚縫
小殿虫緣玉像塵

頭白女官猶說得薔薇不似已前春

送吳諫議上饒州

鄱陽太守是真人琴在床頭籙在身曾向先皇邊諫事
還於上帝處稱臣養生自有年支藥稅戶應停月進銀
淨掃水堂無侍女下堦惟共鶴殷勤

贈崔駙馬

鳳凰樓閣連宮樹天子崔郎自愛貧金埒減添栽藥地
玉鞭平與賣書人家中絃管聽常少分外詩篇看卽新
一月一回陪內宴馬蹄猶厭踏香塵

閒說

桃花百葉不成春
鶴壽千年也未神
秦隴州緣鸚鵡貴
王侯家爲牡丹貧
歌頭舞徧回回別
髻樣眉分日日新
鼓動六街騎馬出
相逢總是學狂人

畱別田尚書

擬報平生未殺身
難離門館起居頻
不看匣裏釵頭古
猶戀機中錦樣新
一旦甘爲漳岸老
全家却作杜陵人
朝天路在驪山下
專望紅旗拜舊塵

題元郎中新宅

近移松樹初栽藥
經帙書籤一切新
鋪設暖房迎道士
支分閒院着醫人
買來高石雖然貴
入得朱門未免貧

惟有好詩名字出倍教年少損心神

書贈舊渾二曹長

二年同在華清下入縣門中最近隣
替飲觥籌知戶小助成書屋見家貧
夜碁臨散停分客朝浴先迴各送人
僮僕使來傳語熟至今行酒校殷勤

從軍後答山友

愛山無藥任溪貧脫却山衣事漢臣
夜半聽雞梳白髮天明騎馬走紅塵
村童近去嫌腥食野鶴高飛避俗人
勞動先生遠相訪別來弓箭不離身

酬樂天揚州初逢席上有贈

劉禹錫

巴山楚水淒涼地二十三年棄置身懷舊空吟聞笛賦
到鄉翻似爛柯人沉舟側畔千帆過病樹前頭萬木春
今日聽君歌一曲慙憑杯酒長精神

秋齋獨坐寄樂天兼呈吳芳之大夫

空齋寂寂不生塵藥物方書繞病身纖草數莖勝靜地
幽禽忽至似嘉賓世間憂喜雖無定釋氏消磨盡有因
同向洛陽閒度日莫教風景屬他人

柳絮

飄揚南陌起東隣漠漠濛濛好度春花巷暖隨輕舞蝶

正樓晴

一作暗

拂豔妝人縈迴謝女題詩筆點綴陶公漉

酒巾何處好風偏似雪隋河堤上古江津

自江陵沿流道中

三千三百西江水自古如今要路津月夜歌謠有漁父
風天氣色屬商人沙邨好處多逢寺山檠紅時覺勝春
行到南朝征戰地古來名將盡爲神

別夔州官吏

三年楚國巴城守一去揚州楊子津青帳聯延喧驛步
白頭俯偃到江濱巫山暮色常含雨峽水秋來不恐人
惟有九歌詞數首里中畱與賽蠻神

送李庚先輩赴選

一家何啻十朱輪諸父雙飛秉大鈞曾脫素衣參幕客
却爲精舍讀書人離筵雒水侵杯色征路函關向晚塵
今日山公一作翁舊賓主知君不負帝城春

酬淮南牛相公述舊見貽

昔年曾忝漢庭臣晚歲空餘老病身初見相如成賦日
尋爲丞相掃門人追思往事咨嗟久幸喜清光笑語頻
猶有當時舊冠劍待公三日拂埃塵

哭丘長史

曾見先皇殿上臣丹砂久服不成真常騎馬在嘶空櫪
自作書畱別故人詩句徧傳天下口朝衣長送地中身

最悲昨日同遊處看却春風樹樹新

饒州畱別張端公使君

韓愈

來往再逢梅柳新別離一醉綺羅春久欽江總文才妙
自嘆虞翻骨相屯鳴笛急吹爭落日清歌緩送欸行人
已知奏課當徵拜那復淹畱咏白蘋

從崔中丞過盧少府郊居

柳宗元

寓居湘岸四無鄰世網難嬰每自珍蒔藥閒庭延國老
開樽虛室值賢人泉迴淺石依高柳逕轉垂簾間綠筠
聞道偏爲五禽戲出門鷗鳥更相親

柳州峒氓

郡城南下接通津異服殊音不可親青箬裏鹽歸峒客

綠荷包飯趁虛人

青箱錄云嶺南呼市爲虛蓋市人之所在有人則滿無人則虛而嶺南村

市滿時少虛時多故謂之虛

鵝毛簞臘縫山罽

音寄

雞骨占年拜水神

愁向公庭問重譯欲投章甫作文身

將歸東都寄令狐舍人

楊巨源

綠楊紅杏滿城春一騎悠悠萬井塵岐路未關今日事

風光欲醉長

去聲

年人閒過綺陌尋高士強對朱門謁近

臣多病晚來還有策洛陽山色舊相親

寄蘇州白二十三使君

張籍

三朝出入紫微臣頭白金章未老身登第早年同座主

題詩今日異

一作是

州人

一作民

闔門柳色烟中遠茂苑鶯

聲雨後新此處吟詩向山寺知君忘却曲江春

題韋郎中新亭

起得幽亭景最新碧莎地上更無塵琴書看盡猶嫌少
松竹栽多亦稱貧藥酒欲開期好客朝衣暫脫見閒身
成名同日官連署此處經過有幾人

移居靜安坊答元八郎中

長安寺裏多時住雖守卑官不厭貧作活每常嫌費力
移居祇是貴容身初開井淺偏宜樹漸覺衙閒省踏塵
更喜往還相去近門前減却送書人

送和蕃公主

塞上如今無戰塵漢家公主出和親
邑司猶屬宗卿寺冊號還同帳人九
姓旗旛先引路一生衣服盡隨身
羶城內望無迴日空見沙蓬水柳春

寄孫洛陽格

久持刑憲聲名遠好是中朝正直臣
赤縣上來應足事青衫老去未離身
常思從省連歸馬乍覺同班少舊人
遙愛南橋秋日晚兩邊楊柳映天津

贈嚴童子

嚴司空孫字照郎十歲能賦詩
往往有奇句書題有成人風

衛瓘諸孫衛玠珍可憐雛鳳好青春解拈玉葉排新句
認得金環識舊身十歲佩觿嬌穉子八行飛札老成人
楊公莫訝清無業家有驪珠不復貧

早春登龍山靜勝寺皆非休澣司空特許是行因
贈幕中諸公

謝傳知憐景氣新許尋高寺望江春龍文遠水吞平岸
羊角輕風旋紉塵山茗粉含鷹嘴嫩海榴紅綻錦窠勻
歸來笑問諸從事占得閒行有幾人

送友封

輕風略略柳欣欣晴色空濛遠似塵斗柄未回猶帶閏

江痕潛上已生春
蘭成宅裏尋枯樹
宋玉庭前別故人
心斷洛陽三兩處
窈娘堤抱古天津

贈侯三郎中

白居易

老愛東都好寄身
足泉多竹少埃塵
年豐晁喜惟貧客
秋冷先知是瘦人
幸有琴書堪作伴
苦無田宅可爲鄰
洛中縱未長居得
且與蘇田遊過春

早春晚歸

晚歸騎馬過天津
沙白檀紅返照新
草色連延多隙地
鼓聲閒緩少忙人
還如南國饒溝水
不似西京足路塵
金谷風光依舊在
無人管領石家春

快活

可惜鶯啼花落處一壺濁酒送殘春
可憐月好風涼夜一部清商伴老身
飽食安眠消日月閒談冷笑接交親
誰知將相侯王外別有優游快活人

謝皇甫賓客

玄晏家風黃綺身溪居高卧養精神
性慵無病常稱病心足雖貧不道貧
竹院君閒消永日花亭我醉送殘春
自嫌詩酒猶多興若比先生是俗人

寒食日寄楊東川

不知楊六逢寒食作底歡娛過此辰
堯率寺高宜望月

嘉陵江近好遊春，蠻旗似火行隨馬。
蜀妓如花坐遶身，不使黔婁夫婦看。
誇張富貴向何人？

殘春晚起伴客笑談

掩戶下簾朝睡足，一聲黃鳥報殘春。
披衣岸幘日高起，兩角青衣扶老身。
策杖強行過里巷，引杯閒酌伴親賓。
莫言病後妨談笑，猶恐多于不病人。

夜聞賈常州崔湖州茶山境會想羨歡宴因寄此詩

遙聞境會茶山夜，珠翠歌鐘俱遶身。
盤下中分兩州界，燈前合作一家春。
青娥遞舞應爭妙，紫笋齊嘗各鬪新。

白欵花時北窗下蒲黃酒對病眠人

時馬墜損腰
正勸蒲黃酒

歲暮病懷贈夢得

十年四海故交親零落惟殘兩病身
共遣數奇從是命同教步蹇有何因
眼隨老減嫌長夜體待陽舒望早春
新樂堂前舊池上相過亦不要他人

南秦雪

往歲曾爲西邑吏慣從駱口到南秦
三時雲冷多飛雪二月山寒少有春
我思舊事猶惆悵君作初行定苦辛
仍賴愁猿寒不叫若聞猿叫更愁人

欲與元八卜鄰先有是贈

平生心迹最相親，欲隱墻東不爲身。
明月好同三徑夜，綠楊宜作兩家春。
每因慙出猶思伴，豈得安居不擇鄰。
何獨終身數相見，子孫長作隔墻人。

謝李六郎中寄新蜀茶

故情周匝向交親，新茗分張及病身。
紅紙一封書後信，綠芽十片火前春。
湯添勺水煎魚眼，末下刀圭攪麴塵。
不寄他人先寄我，應緣我是別茶人。

春憶二林寺舊遊因寄朗滿晦三上人

一別東林三度春，每春常似憶情親。
頭陀會裏爲逋客，供奉班中作老臣。
清淨久辭香火伴，塵勞難索幻泡身。

最慚僧社題橋處十八人名空一人

登龍尾道南望憶廬山舊隱

龍尾道邊來一望香爐峯下去無因青山舉眼三千里
白髮平頭五十人白笑形骸紆組綬將何言語掌絲綸
君恩壯健猶難報況被年年老逼身

歲假內命酒贈周判官蕭協律

共知欲老流年急且喜新正假日頻聞健此時相勸醉
偷閑何處共尋春腳隨周叟行猶疾頭比蕭翁白未勻
歲酒先拈辭不得被君推作少年人

元微之除浙東觀察使喜得杭越鄰州先贈長句

稽山鏡水歡遊地犀帶金章榮貴身官職比君雖校小
封疆與我且爲鄰郡樓對玩千峯月江界平分兩岸春
杭越風光詩酒主相看更合是何人

分司

散秩留司殊有味晁宜病拙不才身行香拜表爲公事
碧洛青嵩當王人已出開遊多到夜却歸慵卧又經旬
錢塘五馬留王匹還擬騎遊攬擾春

郡中閒獨寄微之及崔湖州

少年賓旅非吾輩晚歲簪纓束我身酒散更無同宿客
詩成長作獨吟人蘋州會面知何日鏡水離心又一春

兩處也應相憶在官高年長少情親

重題小舫贈周從事兼戲微之

細逢青篋織魚鱗小眼紅窗襯麴塵
澗狹纔容從事座高低恰稱使君身
舞筵須揀腰輕女仙棹難勝骨重人
不似鏡湖廉使出高檣大扁閣驚春

贈皇甫賓客

輕衣穩馬槐陰路漸近東來漸少塵
耳聞久憎聞俗事眼明初喜見閒人
昔曾對作承華相今復連爲博望賓
始信淡交宜久遠與君轉老轉相親

日高卧

三才集
怕寒放懶日高卧臨老誰言牽率身夾幕繞房深似洞
重裯觀枕煖于春小青衣動桃根起嫩綠醅浮竹葉新
未裹頭前傾一盞何如衝雪趑朝人

與諸道者同遊二室至九龍潭作

喜逢二室遊仙子厭作三川守土臣舉首摩挲潭上石
開襟抖擻府中塵他日終爲獨往客今朝未是自由身
若言尹是嵩山王三十六峯應笑人

天宮閣蚤春

天宮高閣上何頻每上令人耳目新前日晚登緣看雪
今朝晴望爲迎春林鶯何處吟箏柱墻柳誰家曬麴塵

可惜三川虛作主風光不屬白頭人

酬鄭二司錄與李六郎中寒食日相過同宴見贈

二人並
是同年

偶因冷節會嘉賓況是平生心所親
迎接須給疏傳老
祇供莫笑阮家貧
杯盤狼籍宜親夜
風景闌珊欲過春
相對喜歡還悵望
同年只有此三人

喜小樓西新柳抽條

一行弱柳前年種
數尺柔條今日新
漸欲拂他騎馬客
未多遮得上樓人
須教碧玉羞眉黛
莫與紅桃作麴塵
爲報金堤千萬樹
饒伊未敢苦爭春

百日假滿少傳官停自喜言懷

長告今朝滿十旬從茲瀟灑便終身老嫌手重拋牙笏
病喜頭輕換角巾疏傳不朝懸組綬尚平無累畢婚姻
人言世事何時了我是人間事了人

和李中丞與李給事山居雪夜同宿小酌

憲府觸邪義豸角璫闌駁正犯龍鱗

二人當官盛事
爲時所稱也

那

知近地齋居客忽作溪山同宿人一盞寒燈雲外夜數
杯溫耐雪中春林泉莫作多時計諫獵登封憶舊臣

贈劉禹錫

牛僧孺

紀事云公赴舉之秋嘗投贄于劉補闕禹錫對

客展卷飛筆塗竄其文歷二十餘歲劉轉汝州
公鎮海南枉道駐旌信宿酒酣賦詩云云劉方
悟往年收公文卷因酬述舊見貽之作牛公吟
和詩前意稍解曰三日之事何敢當耶宰相三
朝後主
司印可以
升降百官於是移宴竟夕方整前驅也劉乃戒
其子咸久承雍曰吾成人之志豈料爲非汝輩
進修守中爲上

粉署爲郎四十春今來名輩更無人休論世上升沉事
且鬪樽前見在身珠玉會應成咳唾山川猶覺露精神
莫嫌恃酒輕言語曾把文章謁後塵

建元寺

李紳

寺在常州東郭松扉竹院名在岡阜地甚疎通
接郊外每歲寒食里人灑掃經過之所大曆中
詩人郭雲曾賦寒食詩贈吏部先兄詩云蘭陵
士女滿晴川郊外紛紛拜古塲萬井人家初禁
火九原松柏自生烟人間後事非前事鏡裏今
年老去年介子終知祿不及王孫誰復更相憐
當時以爲絕唱嘗在兒童卽聞此詩非欲繼和
蓋紀事因書

江城物候傷心地遠寺經過禁火辰芳草隴邊回首客

野花藂裏斷腸人
紫荆繁艷空門晝
紅藥淡開古殿春
歎息光陰催白髮
莫悲風月獨沾巾

咏懷

賈 島

總把書看未省勤
一生生計祇長貧
可能在世無成事
不覺離家作老人
中嶽深林秋獨往
南原多草夜無鄰
經年抱疾誰來問
野鳥相過啄木頻

贈翰林

清重無過知內制
從前禮絕外庭人
看花在處多隨駕
召宴無時不及身
馬自賜來騎覺穩
詩緣見澈語長新
應憐獨向名場苦
曾十餘年浪過春

送劉侍御重使江西

時當苦熱遠行人石壁飛泉濺馬身又到鍾陵知務大
還浮湓浦屬秋新早程猿呌雲深極宿館禽驚藥動頻
前者已聞廉使薦兼言有畫靜邊塵

寄東都分司白賓客

姚合

闕下高眠過十旬南宮印綬乞離身詩中得意應千首
海內嫌官只一人賓客分司真是隱山泉遶宅豈辭貧
竹齋晚起多無事惟到龍門寺裏頻

偶然書懷

十年通籍入金門自愧名微枉縉紳鍊得丹砂疑不食

從茲白髮日相親家山迢遞歸無路杯酒稀疎病到身
漢有馮唐唐有我老爲郎吏更何人

楊給事師臯哭亡愛姬英英竊聞詩人多賦因而

繼和

子

真珠爲十二玉爲塵未識遙聞
辛天上還應收至寶

世間難得是佳人朱絲自斷虛銀燭紅粉潛銷冷繡茵
見說恁情惟有酒夕陽對酒更傷神

贈道人

周賀

布褐高眠石竇春迸泉多濺黑紗巾搖頭說易當朝客
落手圍碁對俗人自算天年窮甲子誰同雨夜守庚申

擬歸太華何時去他日相尋乞藥銀

贈僧

藩府十年爲律業南朝本寺往來新
辭歸幾別溪山客赴請多從遠處人
松吹入堂資講力野蔬供飯爽禪身
他年更息登壇計應與雲泉作四鄰

上浙東元相

章孝標

婺女星邊喜氣頻越王臺上坐詩人
雪晴山水勾留客風煖旌旗計會春
黎庶已同猗頓富烟花却爲相公貧
何言禹跡無人繼萬頃湖田又斬新

題章正字道正新居

朱慶餘

獨在御樓南畔住生涯還似舊時貧全無竹可侵行徑
一半花猶屬別人吟處不妨嫌鼓鬧眼前惟稱與僧鄰
近來漸覺青莎巷車馬過從已有塵

銀河

王初

閭闔疎雲漏絳津橋頭秋夜鵲飛頻猶殘仙媛湔裙水
幾見星妃渡襪塵歷歷素榆飄玉葉涓涓清月濕冰輪
年來若有乘槎客爲弔波濤是楚臣

贈鄭欽處士

李商隱

浪跡江湖白髮新浮雲一片是吾身寒歸山觀隨棋局
煖入汀洲逐釣綸越桂畱烹張翰鱸蜀姜供煮陸機尊

相逢一笑憐疎放他日扁舟有故人

題二首後重有戲贈任秀才

一丈紅蕖擁翠筠羅窗不識繞街塵
峽中尋覓長逢雨月裏依稀更有人
虛爲錯刀畱遠客枉緣書札損文鱗
遙知小閣還斜照羨殺烏龍卧錦茵

題李處士幽居

溫庭筠

水玉簪頭白角巾瑤琴寂歷拂輕塵
濃陰似幃紅薇晚細雨如烟碧草春
隔竹見籠疑有鶴卷簾看畫靜無人
南山白是忘年友谷口徒稱鄭子真

和友人溪居別業

積潤初銷碧草新
鳳陽晴日帶雕輪
風飄弱柳平橋晚
雪點寒梅小院春
屏上樓臺陳後主
鏡中金翠李夫人
花房透露紅珠落
蛺蝶雙飛護粉塵

過五丈原

鉄馬雲騅久絕塵
柳陰高壓漢營春
天晴殺氣屯關右

夜半妖星照渭濱
下國卧龍曾

一作空

寤主中原逐鹿不

因

一作由

人象牀錦帳無言語
從此譙周是老臣

宿長慶寺

杜牧

南行步步遠浮塵
更近青山昨夜鄰
高鐸數聲秋撼玉
霽河千里曉橫銀
紅蕖影落前池淨
綠稻香來野徑頻

終日官閒無一事不妨長醉是遊人

殘春獨來南亭因寄張祐

煖雲如粉草如茵獨步長隄不見人一嶺桃花紅錦
半溪山水碧蘿新高枝百舌猶欺鳥帶葉梨花獨送春
仲蔚欲知何處在苦吟林下拂詩塵

河湟

元載相公曾借箸憲宗皇帝亦畱神旋見衣冠就東市
忽遺弓劍不西巡牧羊驅馬雖戎服白髮丹心盡漢臣
惟有涼州歌舞曲流傳天下樂閑人

郊居春日有懷府中諸公并柬王兵曹

許渾

欲學漁翁釣艇新，濯纓猶惜九衢塵。
花前更謝依劉客，雪後空懷訪戴人。
僧舍覆棋消白日，市樓賒酒過青春。
一山桃杏同時發，誰似東風不厭貧。

虎丘寺僧院

暫引寒泉濯遠塵，此生多是異鄉人。
荆溪夜雨花開疾，吳苑秋風月滿頻。
萬里高低門外路，百年榮辱夢中身。
世間誰似西林客，一卧烟霞四十春。

贈王山人

貰酒携琴訪我頻，始知城市有閒人。
君臣藥在寧憂病，

子母錢成豈患貧年長每勞推甲子夜寒初共守庚申
近來聞說燒丹處玉洞桃花萬樹春

與鄭秀才叔姪會送楊秀才昆仲東歸

書劍功遲白髮新異鄉仍送故鄉人阮公畱客竹齋曉
田氏到家荆樹春雪盡塞鴻南翥少風來代馬北嘶頻
洞庭烟月如終老誰是長楊諫獵人

寄歸

趙 嘏

三年踏盡化衣塵只見長安不見春馬過雪街天欲曉
鄉迷雲樹淚空頻桃花塢接啼猿寺野竹亭通畫鷁津
早晚粗酬身事了水邊歸去一閑人

贈歐陽秀才

劉威

桐上知音日下身道光誰不仰清塵偶來水館逢爲客
舊熟詩名似故人永日空驚滄海濶何年重見白頭新
權門要路知無味

一作應行通

閑伴山夫一夜貧

春日旅舍書懷

薛能

出去歸來旅食人麻衣常帶幾坊塵開門草色朝無客
落案燈花夜一身貧舍卧多消永日故園鶯老憶殘春
蹉跎冠冕誰相念二十年中盡苦辛

晚春

惡憐風景極交親每恨年年作瘦人卧晚不曾拋好夜

情多惟欲哭殘春
陰成杏葉纔通日
雨著楊花已汙塵
無限後期知有在
只愁還作總戎身

懷江南友人

劉滄

久絕音書隔塞塵
路岐誰與子相親
愁中獨坐秦城夜
別後幾經吳苑春
湘岸風來吹綠綺
海門潮上沒青蘋
空勞兩地望明月
多感斷蓬千里身

夢仙

項斯

昨宵竟夢到仙津
得見蓬山不死人
雲葉許裁成野服
玉漿教吃潤愁身
紅樓近月宜寒水
綠杏搖風占古春
次第引看行未徧
浮光牽入世間塵

送徐山人歸睦州舊隱

雍陶

君在桐廬何處住
草堂應與戴家鄰
初歸山犬翻驚主
久別沙鷗却避人
終日欲爲相逐計
臨岐空羨獨行身
秋風釣艇遙堪憶
七里灘西片月新

贈溫庭筠

紀唐夫

開成中庭筠才名籍甚然不拘細行以文爲貨
識者鄙之執政有奏庭筠攬擾場屋黜方城令
裴坦當制有澤畔長沙之比時文士爭爲詩送
別惟此詩擅場當時盛傳也

何事明時泣玉頻
長安不見杏園春
鳳凰詔下雖霑命

鸚鵡才高却累身且盡綠醺消積恨休辭黃綬拂行塵
方城若比長沙路猶隔千山與萬津

金塘道中

李羣玉

山連楚越復吳秦蓬梗何年是住身黃葉黃花古城道
秋風秋雨別家人冰霜想度商於凍桂玉愁居帝里貧
十口繫心拋不得每回回首卽長嘯

故洛陽城

李郢

兵一動朔方塵不使鑾輿此重巡清洛但流嗚咽水
上陽溪鎖寂寥春雲收少室初晴雨柳拂中橋晚渡津
欲問昇平無故老鳳樓回首落花頻

百舌鳥

嚴郭

此禽輕巧少同倫我聽常疑舌滿身星未沒河先報曉
柳猶粘雪便迎春頻嫌海燕巢難定却訝林鶯語不真
莫倚清風更多事玉樓還有晏眠人

太和公主還宮

公主下嫁回鶻崇德
可汗會昌三年來歸

李頻

天驕發使犯邊塵漢將推功遂奪親離亂應無初去貌
死生難有却回身禁花半老曾攀樹宮女多非舊識人
重上鳳樓追故事幾多愁思向青春

五月一日蒙替本官不得隨例入闕感懷獻送相

公

五月傾朝謁紫宸一朝無分在清塵含香已去星郎位
衣錦惟思婺女隣折獄也曾爲俗吏勸農元本是耕人
知將何事酬公道只養生靈似養身

題龍泉寺絕頂

方干

未明先見海底日良久遠鷄方報晨古樹含風常帶雨
寒岩四月始知春中天氣爽星河近下界時豐雷雨勻
前後登臨思無盡年年改換往來人

畱別彰德軍從事范校書

高駢

無金寄與白頭親節槩猶誇似古人未出塵埃真落魄

不趨權勢正因循
桂攀明月曾觀國
蓬轉西風却問津
匹馬東歸羨知己
燕王臺上結交新

新歲對寫真

司空圖

得見明時下壽身
須甘歲酒更移巡
生情暗結千重恨
寒勢常欺一半春
文武輕銷丹竈火
市朝偏貴黑頭人
白簪衰颯慵開鏡
擬與兒童別寫真

七夕

唐彥謙

露白風清夜向晨
小星乘珮且埋輪
絳河淺浪休相隔
滄海波深尚作塵
天外鳳凰何寂寞
世間烏鵲漫辛勤
猗蘭殿北斜樓上
多少通宵不寐人

次和薔薇韻

皮日休

誰繡連延滿戶陳
暫因遮得陸家貧
紅芳掩歛將迷蝶
翠蔓飄飄欲罥人
低拂地時如墮馬
高臨墻處似窺鄰
祇應是董雙成戲
剪得神霞寸寸新

傷進士嚴子重詩

余爲童在鄉校時
簡上抄杜舍人牧之集見有
與進士嚴惲詩後至吳一日有客曰嚴某余志
其名久矣遽懷文見造於是樂得禮而觀之其
所爲工於七字往往有清便柔媚時可軼駭於
常軌其佳者曰春光冉冉歸何處更向花前把

一盃盡日問花花不語爲誰零落爲誰開余美
之諷而未嘗怠生舉進士亦十餘計偕余方寃
之謂畢竟有得于時也未幾歸吳興後兩月
十一年也通雪人至云生以疾亾於所居矣噫生徒以
詞問于士大夫竟不名而逝豈止此而湮沒耶
江湖間多美利士君子苟樂退而有文者死無
不爲時惜可勝言耶於是哭而爲詩魯望生之
友也當爲我同作

十哭都門榜上塵蓋棺終是五湖人生前有敵惟丹桂
沒後無家祇白蘋箬下漸新醒處月江南依舊詠來春

知君精爽應無盡必在鄴都頌帝晨

梁成鄴都官頌
紂槐標帝晨

曉起卽事因成廻文寄襲美

陸龜蒙

平波落月吟閒景暗幌浮烟思起人清露曉垂花謝半
遠風微動蕙抽新城荒上處樵童小石蘚分來宿鷺馴
晴寺野尋同去好古碑苔字細書勻

薔薇

倚牆當戶自橫陳致得貧家似不貧外布芳菲雖笑日
中含芒刺欲傷人清香往往生遙吹狂蔓看看及四鄰
遇有客來堪玩處一端晴綺照烟新

和懷南陽潤卿

抱相逢各絕塵水經山疏不離身才情未擬湯從事
玄解猶嫌竺道人霞染洞泉渾變紫雪披江樹半和春
誰憐故國無生計惟種南塘二畝芹

和張處士詩

并序

張祐字承吉元和中作宮體小詩辭曲艷發當時
輕薄之流能其才合諫得譽及老大稍窺建安
風格謫樂府錄知作者本意短章大篇往往
間出諷諷怨謫時與六義相左右善題目佳境
言不可刊置別處此爲才子之最也由是賢俊
之士及高位重名者多與之遊謂有鵲鷺之野

孔翠之鮮竹栢之貞琴磬之韻或薦之於天子
書奏不下亦受辟諸侯府性狷介不容物輒自
劾去以曲阿地古澹有南朝之遺風遂築室種
樹而家焉性嗜水石常悉力致之從知南海聞
罷職載羅浮石笋還不蓄善田利產爲身後計
死未二十年而故姬遺孕凍餒不暇前所謂鵲
鷺孔翠竹栢琴磬之家雖朱輪尚乘遺編尚吟
未嘗一省其孤而恤其窮也噫人假之爲玩好
不根於道義耶懼其怨刺於神明耶天果不愛
才沒而猶譴耶吾一不知之友人顏弘至行江

南道中訪其廬作詩弔而序之屬予應和予曰
沒者不足哀承吉之道邀襲美同作庶乎承吉
之孤倚其傳而有憐者

勝華通子其悲辛

卽故姬遺孕也

荒逕今爲舊宅鄰一代交遊

非不貴五湖風月合教貧
竟應絕地爲才鬼名與遺編
在史臣聞道平生偏愛石
至今猶泣洞庭人

贈長安畢郎中

李洞

高門寒沼水連雲
鷺識朱衣傍主人
地肺半邊晴帶雪
天街一面靜無塵
朝迴座客酬琴價
衙退畱僧寫鶴真
從此幾遷爲計相
蓬萊三刻奏東巡

聞杜鵑

萬古瀟湘波上雲化爲流血杜鵑身長疑啄破青山色
祇恐啼穿白月輪花落玄宗回蜀道雨收工部宿江津
聲聲猶得到君耳不見千秋一甌塵

羽林賈中丞

曹唐

四十年前百戰身曾驅虎隊掃邊塵風悲鼓角榆關暮
日煖旌旗隴草春鐵馬慣牽邀上客金魚多解乞去聲佳
人胸中別有安邊計誰采髭鬚白似銀

所知從事近藩偶有懷寄

鄭谷

官舍種莎僧對榻生涯如在舊山貧酒醒草檄聞殘漏

花落移廚送晚春
水墨畫松清睡眼
雲霞仙筆挂吟身
霜臺伏首思歸切
莫把漁竿逐逸人

益州春日

海棠風外獨霑巾
襟袖無端惹蜀塵
和暖又逢挑菜日

寂寥未是采

一作採

花人不嫌泥

一作蟻

酒衝愁陣

一作肺

却

憶漁簑覆病身
何事晚來微雨過

一作後

錦江春似

一作學

曲江春

公子家

李山甫

柳底花陰壓露塵
瑞烟輕罩一園春
鴛鴦占水能嗔客
鸚鵡嫌籠解罵人
騷褻似龍隨日換
輕盈如燕逐年新

不知買盡長安笑活得蒼生幾戶貧

入關寄九華友人

杜荀鶴

坐牀難穩露蟬新便作東西馬上身
釀酒却輸耽睡客好山翻對不吟人
無多志氣禁離別強半年光屬苦辛
篋裏詩篇頭上雪未知誰戀杏園春

感秋

年年客路謾辛勤襟袖多空馬上塵
書戟門前難作客釣魚船上易安身
冷烟粘柳蟬聲老寒渚澄星雁叫新
白是儂家無住處不關天地窄於人

春日行次錢塘却寄台州姚中丞

豈謂無心求上第難安帝里爲家貧江南江北閒爲客
潮去潮來老却人兩岸雨收鶯語柳一樓風滿角吹春
花前不獨垂鄉淚曾是朱門寄食身

登靈山水閣貽釣者

江上見僧誰是了修齋補衲日勞身未勝漁父閒垂釣
獨背斜陽不采人縱有風波猶得睡絕無簑笠始爲貧
瓦餅盛酒瓷甌酌荻浦蘆灣是要津

喜從弟雪中遠至有作

溪山大雪懶開門門門逕行踪自爾新無酒禦寒雖寡況
有書供讀且資身便均情愛同諸弟莫更生疎似外人

三
堂
詩
集
三
畫短夜長須強學學成貧亦勝他貧

獻鄭從事

化行邦域二年春樵唱漁歌日日新未降詔書酬善政
不知天澤答何人秋登嶽寺雲隨步夜宴江樓月滿身
他日朱門恐難掃沙堤新築必無塵

富春

吳融

水送山迎入富春一川如畫晚晴新雲低遠渡帆來重
潮落寒沙鳥下頻未必柳間無謝客也應花裏有秦人
巖光萬古清風在不敢停橈更問津

早起探春

韓偓

勾芒一夜長精神臘後風頭已見春烟柳半眠藏利眼
雪梅含笑綻香唇漸因閒暇思量酒必怨顛狂泥摸人
若箇高情應似我且應欹枕睡清晨

別湖上主人

曹松

門繫釣舟雲滿岸借君幽致坐移旬湖村夜叫白蕪雁
菱市曉喧潑浦人遠水日邊重作雪寒林燒後別生春
不辭更住醒還醉太乙東峯歸夢頻

晨雞

劉兼

朱冠金距彩毛身昧爽高聲已報晨作瑞莫慚先貢楚
擅場須信獨推秦淮南也伴升仙犬函谷曾容借曉人

此日卑棲隨飲啄宰君驅我亦相馴

寄鄭員外

屈指良交十四人
隙駒風燭漸爲塵
當初花下三秦客
只有天涯二老身
乘醉幾何遊北內
尋芳多共謁東鄰
此時阻隔關山遠
月滿江樓淚滿巾

郡樓閒望書

郡城樓閣遶江濱
風物清秋入望頻
銅鼓祭龍雲塞廟
蘆花飄市雪粘人
蓮披淨沼羣香散
鷺點寒烟玉片新
歸去杜陵池館在
且將朝服拂埃塵

庾樓曉望

王貞白

獨凭朱檻亦凌晨山色初明水色新竹霧曉籠銜嶺月
蘋風暖送過江春子城陰處猶殘雪衙鼓聲前未有塵
三百年來庾樓上曾經多少望鄉人

春晚過明氏閒居

李中

寥寥陋巷獨扃門自樂清虛不厭貧數局棋中消永日
一尊酒裏送殘春雨催綠蘚鋪三徑風送飛花入四鄰
羨爾朗吟無外事滄洲何必去垂綸

維舟秋浦逢故人張炬同泊

卸帆清夜碧江濱冉冉涼風動白蘋波上正吟新霽月
岸頭恰見故鄉人共驚別後霜侵鬢互說年來疾逼身

且飲一壺消百恨會須遭遇識通津

奉和左司郎中春物暗度感而成章

韋莊

纔喜新春已暮春夕陽吟殺倚樓人
錦江風散霏霏雨花市香飄漠漠塵
今日尚追巫峽夢少年應遇洛川神
有時自患多情病莫是生前宋玉身

下第東歸畱辭刑部鄭郎中誠

黃滔

去違知己住違親欲發羸蹄進退頻
萬里家山歸養志數年門館受恩身
鶯聲歷歷秦城曉柳色依依灞水春
明日藍田關外路連天風雨一行人

九日陪董內召登高

廖匡圖

祝融峯下逢高節相對那能不愴神烟裏共尋幽磳菊
樽前俱是異鄉人遙山帶日應連越孤雁來時想別秦
自古登高盡惆悵茱萸休笑淚盈巾

京口見李侍御

羅隱

傴僂江柳欲矜春鐵瓮城邊見故人屈指不堪言甲子
披風常記是庚申別來且喜身俱健亂後休悲業盡貧
還有杖頭沽酒物待尋山寺話逡巡

春日登上元石頭故城

萬里傷心極目春東南王氣只逡巡野花相笑落滿地

山鳥自悲啼傍人謾道城池須險阻可知豪傑亦埃塵
太平寺主惟輕薄却把三公與賊臣

送顧雲下第

行行杯酒莫辭頻怨歎勞歌雨未伸漢帝後宮猶識字
楚王前殿更無人年淡旅舍衣裳敝潮打村田活計貧
百歲都來幾多日不堪相別又傷春

牡丹

似共東風別有因絳羅高捲不勝春若教解語應傾國
任是無情亦動人芍藥與君爲近侍芙蓉何處避芳塵
可憐韓令功成後辜負穠華過一身

寄許下前館記王侍御

譚用之

昔年南去得娛賓，頓遜杯前共好春。

南州異物志云：頓遜國有酒樹，似安

石榴取花汁，停瓮中數日，乃成酒，極美而醉人。

螳泛羽觴，蠻酒膩鳳銜。瑤句蜀

箋新花憐，遊騎紅隨轡。草戀征車碧，繞輪別後青青鄭南陌，不知風月屬何人。

秋夜同友人話舊

露下銀河雁度頻，囊中爐火幾時真。數莖白髮生浮世，一盞寒燈共故人。雲外簾涼吟嶠月，島邊花暖釣江春。何當歸去重携手，依舊紅霞作近隣。

謝主人惠綠酒白魚

徐寅

早起鵲聲頻送喜
白魚芳酒寄來珍
馨香乍揭春風襲
撥刺初辭夜雨津
樽罍最宜澄桂酒
網疎殊未損霜鱗
不曾垂釣兼親醞
堪愧金臺醉飽身

陳

三惑昏昏中紫宸
萬機拋却醉臨春
書中不禮隋文帝
井底常攜張貴嬪
玉樹歌聲移入哭
金陵天子化爲臣
兵戈半渡前江水
御客猶聞爭酒巡

和致仕沈郎中

李建勳

欲謀休退尚因循
且向東溪種白蘋
謬應星辰居四輔
終期冠褐作閒人
城中隔日趨朝懶
楚外千峯入夢頻

殘照晚亭沉醉醒靜吟斜倚老松身

重臺蓮

斜倚秋風絕比倫
千英和露染難勻
自爲祥瑞生南國
誰把丹青寄北人
明月幾宵同綠水
牡丹無路出紅塵
憐伊不算多時立
贏得馨香暗上身

芍藥

張泌

香清粉淡怨殘春
蜨翅蜂鬚戀蕊塵
閒倚晚風生悵望
靜畱遲日學因循
休將薜荔爲青瑣
好與玫瑰作近隣
零落若教隨暮雨
又應愁殺別離人

遇所放猿再作

王氏見聞云仁裕罷職入蜀行次
潘冢廟前見一巨猿捨羣而前於

道畔古木間垂身下顧紅綃宛在以野賓呼之
聲聲相應立馬移時不覺惻然及聳轡之際哀
叫數聲而去
遂繼之一篇

王仁裕

蟠冢祠前漢水濱飲援連臂下嶙峋漸來子細窺行客
認得依稀是野賓月宿縱勞羈縻夢松餐非復稻粱身
數聲腸斷和雲叫識是前時舊主人

春日杼山寄贈李員外蹤

僧皎然

南山惟與北山隣一閉禪關老此身黃鶴有心多不住
白雲何事獨相親閒持竹錫時看水懶繫一作麻衣出
見人無限幽芳徒欲寄郎官那許石門春

奉酬李員外嘉祐蘇臺屏居春首有懷

昔歲爲邦初未識今朝休沐始相親
移家水巷貪依靜種柳風窗欲占春
詩思先邀烏府客山情先訪白樓人
登臨許作烟霞伴高在方袍閃幅巾

賣殘牡丹

魚玄機

臨風興歎落花頻芳意潛消又一春
應爲價高人不問却緣香甚蝶難親
紅英只稱生宮裏翠葉那堪染路塵
及至移根上林苑王孫方恨買無因

于天騏千英校

玉堂才調集

三

于天懸于英林

八全舒跡上林英于新式地買無因

狀絲香甚艷鑲珠英只解主宮裏翠葉泯泯衆望

翻風興燠落并馳芳意暫留又一春飄然賈高人下問

賣藥地

魚玄

登翻指并臥雲半高并式醉閃神中

蘇州風窗落古春情思失幾為孤客山前失却白雲人

昔道爲壯年未滿今時杳杳故園難尋寒水暮貪分晴

玉堂才調集

文一百一首

沈佺期二首

王維一首

杜甫一首

劉長卿一首

錢起一首

韓翃一首

皇甫冉一首

皇甫曾一首

盧綸一首

耿湜一首

朱長文一首

朱放一首

戎昱一首

王建二首

楊巨源三首

元稹三首

白居易
九首

李紳
一首

姚合
三首

章孝標
一首

周賀
二首

李商隱
四首

溫庭筠
五首

杜牧
一首

許渾
二首

趙嘏
一首

馬戴
三首

劉滄
二首

項斯
一首

李羣玉
一首

方干
一首

胡曾
一首

章碣
一首

沈彬
一首

皮日休
六首

陸龜蒙
五首

張賁 一首

李洞 一首

鄭谷 三首

韓喜 一首

杜荀鶴 二首

韓偓 二首

盧弼 一首

吉師老 一首

鄭綯 一首

李中 二首

韋莊 一首

吳商浩 一首

羅隱 四首

羅鄴 二首

殷文珪 一首

徐寅 三首

尚顏 一首

尚 德

一首

恩 文 莊

一首

蘇 烈

四首

章 璵

一首

瀛 際

一首

盧 澗

一首

林 菴 鍾

二首

瀛 谷

三首

張 賁

一首

斜 寅

三首

蘇 灝

二首

吳 商 部

一首

李 中

二首

吉 福 步

一首

韓 劉

二首

韓 喜

二首

李 師

一首

玉堂才調集

文

從幸香山寺應制

沈佺期

南山奕奕通丹禁，北闕峩峩連翠雲。
嶺上樓臺千地起，城中鐘鼓四天聞。
旃檀曉閣金輿度，鸚鵡晴林采萼_音厚也。
分願以醍醐參聖酒，還將祇苑當秋汾。

遙同杜員外審言過庾嶺

天長地濶嶺頭分，去國離家見白雲。
洛浦風光何所似，崇山瘴癘不堪聞。
南浮漲海人何處，北望衡陽鴈幾羣。

兩地江山

一作春風

萬餘里，何時重謁聖明君。

大同殿生玉芝龍池上有慶雲百官共覩聖恩便

賜宴樂敢書卽事

王維

欲笑周文歌宴鎬遙輕漢武樂橫汾豈知玉殿生三秀
詎有銅池出五雲陌上堯樽傾北斗樓前舜樂動南薰
共歡天意同人意萬歲千秋奉聖君

示獠奴阿段

杜甫

山木蒼蒼落日曛竹竿裊裊細泉分郡人入夜爭餘瀝
稚子尋源獨不聞病渴三更回白首傳聲一注濕青雲
曾驚陶侃奴異怪爾常穿虎豹羣

送李將軍迎故使中丞旅櫬赴京 劉長卿

征西諸將不如君報德誰能不顧勲身逐塞鴻來萬里
手披荒草看孤墳擒生絕漠經胡雪懷舊長沙哭楚雲
歸去蕭條灞陵上幾人看葬李將軍

送馬員外拜官覲省

錢起

二十爲師事漢文鴛雛驥子自爲羣筆精已許臺中妙
劍術還令世上聞歸覲屢經槐里月出師常笑棘門軍
莫言來往朝天遠看取鳴鞘入斷雲

送田明府歸終南別業

韓翃

故園此日多心賞窗下流泉竹外雲近館應逢沈道上
比鄰自識卞田君離宮樹影登山見上苑鐘聲過雪聞

相勸早移丹鳳闕不須長戀白鷗羣

送李錄事赴饒州

皇甫冉

北人南去雪紛紛雁呌汀洲

一作沙汀

不可聞積水長天隨

遠客荒城極浦足寒雲山從建業千峯出

一作斷

江到潯

陽九派分借問督郵纔弱冠府中年少不如君

秋夕寄懷契上人

皇甫曾

已見槿花朝委露獨悲孤鶴在人羣真僧出世心無事
靜夜名香手自焚窗臨絕澗聞流水客至孤峯掃白雲
更想清晨誦經處獨看松上雪紛紛

早春歸盭屋別業寄耿拾遺漳李校書端

盧綸

野日初晴麥隴分竹園村巷

一作相接

鹿成羣萬家廢井生

新草一樹繁花對古墳引水忽驚冰滿澗向田空見石
和雲可憐荒歲青山裏惟有松枝好寄君

上裴行軍中丞

耿漳

塵已滅天山外閉閣陰陰日復曛櫪上驂駟嘶鼓角
門前老將識風雲旌旗四面高秋見絲竹千家靜夜聞
莫道古來多計策功成未有李將軍

送李司直歸浙東幕兼寄鮑參軍持節大夫初拜

東平郡王

朱長文

翩翩書記早曾聞二十年來願見君今日相逢悲

一作朝廷

思

白髮同時幾許在青雲人從北固山邊去水到西陵

渡口分會作王門曳裾客爲予前謝鮑參軍

早發龍且館舟中寄東海李司倉鄭司戶

朱放

沙禽相呼曙色分漁浦鳴榔十里聞正當秋風渡楚水
更值遠道傷離羣津頭却望後湖岸別處已隔東山雲
停艫目送北歸翼惜無瑤華持寄君

送蘇參軍

戎昱

憶昨青襟醉裏分酒醒回首愴離羣舟移極浦城初掩

山東長江日早曛老來有恨空思德別後誰人更議文
嘗歎蘇生官太屈應緣才似鮑參軍

晚秋病中

王建

萬事風吹過耳輪貧兒活計亦曾聞偶逢新語書紅葉
難得閒人話白雲霜下野花渾著地寒來溪鳥不成羣
病多體痛無心力更被頭邊藥氣熏

贈郭將軍

承恩新拜上將軍當直巡更近五雲天下表章經院過
宮中語笑隔牆聞密封計策非時奏別賜衣裳到處薰
向晚臨堦看號簿眼前風景任支分

贈渾鉅中允

楊巨源

公子髫年四海聞
城西侍獵雪紛紛
馬盤曠野弦開月
雕落寒原箭在雲
曾向天西穿陣慣
遊花下領儒羣
一枝瓊萼朝光好
綵服飄飄從冠軍

酬于駙馬

綺陌塵香曙色分
碧山如畫又逢君
蛟藏秋月一片水
驥鎖晴空千尺雲
戚里舊知何駙馬
詩家今得鮑參軍
陽和本是烟霄曲
須向花間次第聞

贈李傅

知因公望掩能文
誓激明誠在致君
曾罷雙旌瞻白日

猶將一劍許黃雲
搖窗竹色畱僧語
入院松聲共鶴聞
莫被此心生計晚
鎮南人憶杜將軍

早春尋李校書

元稹

欸欸春風淡淡雲
柳枝低作翠櫳裙
梅含雞舌兼紅氣
江弄瓊花散綠紋
帶霧山鶯啼尚小
穿沙蘆筍葉纔分
今朝何事偏相覓
撩亂芳情最是君

貶江陵途中寄樂天杓直杓直以員外郎判鹽鐵
樂天以拾遺在翰林

想到江陵無一事
酒杯書卷綴新文
紫芽嫩茗和枝採
朱橘香苞數瓣分
暇日上山狂逐鹿
凌晨過寺飽看雲

算緝草詔終須解不敢將心遠羨君

酬樂天歎窮愁見寄

病煎愁緒轉紛紛百里何由說向君
老去心情隨日減遠來書信隔年聞
三冬有電連春雨九月無霜盡火雲
併與巴南終歲熱四時誰道各平分

天竺寺

白居易

一山門作兩山門兩寺原從一寺分
東澗水流西澗水南山雲起北山雲
前臺花發後臺見上界鐘清下界聞
遙想吾師行道處天香桂子落紛紛

令狐相公贈詩傳播吳中聊用短章申謝

新詩傳詠忽紛紛楚老吳娃耳徧聞盡解呼爲好才子
不知官是上將軍詞人命薄多無位戰將功高少有文
謝朓篇章韓信鉞一生雙得不如君

哭崔二十四常侍

貂冠初別九重門馬鬣新封四尺墳薤露歌詞非白雪
銘旌官爵是浮雲伯倫每置隨身鍾元亮先爲自祭文
莫道高風無繼者一千年內有崔君

寄殷協律

五歲優游同過日一朝消散似浮雲琴詩酒伴皆拋我
雪月花時最憶君幾度聽雞歌白日亦曾騎馬詠紅裙

余在杭州日有歌云聽唱黃雞與
白日又有詩云著紅騎馬是何人
吳姬暮雨蕭蕭曲自
別江南更不聞

江南吳二娘曲詞云
暮雨蕭蕭郎不歸

同夢得酬牛相公初到洛中小飲見贈

淮南揮手拋紅旆
洛下迴頭向白雲
政事堂中老丞相
制科場裏舊將軍
宮城烟月饒全占
關塞風光請半分
詩酒放狂猶得在
莫欺白叟與畱君

和韋庶子遠坊赴宴未夜先歸之作兼呈裴員外
促席留歡日未曛
遠坊歸思已紛紛
無妨按轡行乘月
何必逃盃走似雲
銀燭忽拋楊柳曲
金鞍潛送石榴裙
到時常晚歸時早
笑樂三分按一分

寄微之

帝城行樂日紛紛
天畔窮愁我與君
秦女笑歌春不見
巴猿啼哭夜常聞
何處琵琶絃似語
誰家髑墮髻如雲
人生多少歡娛事
那獨千分無一分

崔常侍濟上別墅

求榮爭寵任紛紛
脫葉金貂祇有君
散員疏去未爲貴
小邑陶休何足云
山色好當晴後見
泉聲宜向醉中聞
主人憶爾爾知否
拋却青雲歸白雲

弔令狐相公

緘題重疊語殷勤
存歿交親自此分
前月使來猶理命

今朝書到是遺文
銀鈞見晚書無報
玉樹埋深哭不聞
最感一行絕筆字
尚言千萬樂天君

憶放鶴

李紳

羽毛似雪無瑕點
顧影秋池舞白雲
閑整素儀三島近
迴飄清唳九霄聞
好風順舉應摩日
逸翮將戍莫戀羣
凌勵坐看空碧外
更憐鳬鷺老江濱

酬薛奉禮見寄

姚合

棲棲滄海一耕人
詔遣江邊作使君
山頂雨餘青到地
濤頭風起白連雲
詩成客見書牆和
藥熟僧來就鼎分
珍重來章相借問
芳名未識已曾聞

送陳倜赴江陵從事

荊州勝事衆皆聞
幕下今朝又得君
才子何須藉科第
男兒終久要功勳
江村竹樹多於草
山路塵埃半是雲
新什定知饒景思
不應一向賦從軍

送河中楊少府宴崔駙馬宅

鳳凰樓下醉醺醺
晚出東門蟬漸聞
不使鄉人修驛路
却將家累宿山雲
閒時採藥隨僧去
每月請錢共客分
縣吏若非三載滿
自知無路更尋君

少年行

章孝標

平明小獵出中軍
異國名香滿袖熏
畫榼倒懸鸚鵡嘴

花衫對舞鳳凰文手擡白馬嘶春雪臂竦青骹入暮雲
落日胡姬樓上飲風吹簫管滿城聞

泗上逢韓司徒歸北

周賀

多病十年無舊識滄洲亂後只逢君已知罷秩辭瀧水

相勸移家住一作近岳雲泗上旅帆侵疊浪雪中歸路踏

荒墳更一作若爲此別愁應一作終期老書札何由到一作因寄北

軍

宿隱靜寺上方

一宿五峯杯渡寺虛廊中夜磬聲分疎林未落上方月

溪澗忽生平地雲幽鳥背泉棲靜境遠人當燭想遺文

暫來此地歇勞足望斷故山滄海濱

子初郊墅

李商隱

看山對酒君思我聽鼓離城我訪君
臘雪已添墻下水
齋鐘不散檻前雲陰移竹栢濃還淡
歌雜漁樵斷更聞
亦擬村南買烟舍子孫相約事耕耘

杜工部蜀中離席

人生何處不離羣世路干戈惜暫分
雪嶺未歸天外使
松州猶駐殿前軍坐中醉客延醒客
江上晴雲雜雨雲
美酒成都堪送老當壚仍是卓文君

促漏

促漏遙鐘動靜聞報章重疊杳一作字難分舞鸞鏡匣收

殘黛睡鴨香爐換夕熏歸去定知還向月夢來何處更

爲雲南塘漸暖蒲堪結兩兩鴛鴦護水紋

牡丹

錦幃初卷衛夫人繡被猶堆越鄂君垂手亂翻雕玉珮
細腰爭舞鬱金裙石家蠟燭何曾剪荀令香爐可待熏
我是夢中傳彩筆欲書花葉寄朝雲

哭盧處士

溫庭筠

百尺青崖三尺墳微言已絕杳難聞戴顓今日稱居士
支遁他年識領軍暫對杉松如結社偶同麋鹿自成羣

故山子弟空回首
慈嶺惟應見宋雲

贈李將軍

誰言荀羨愛功勲
年少登壇衆所聞
曾以能書稱內史
又因明易號將軍
金溝故事春長在
玉軸遺文火半焚
不學龍驤畫山水
醉鄉無跡似閒雲

法雲雙檜

晉朝名輩此離羣
想對濃陰去住分
題處尚尋王內史
畫時應是顧將軍
長廊夜靜聲疑雨
古殿秋深影類雲
一下南臺到人世
曉泉清籟更難聞

過陳琳墓

曾於青史見遺文今日漂零過古墳
詞客有靈應識我霸才無主始憐君
石麟埋沒藏秋草銅雀荒涼對暮雲
莫怪臨風倍惆悵欲將書劍學從軍

宿松門寺

白石青崖世界分卷簾孤坐對氤氲
林間禪室春溪雪潭上龍堂夜半雲
落月蒼涼登閣在曉鐘搖蕩隔江聞
西川舊是經行地願漱寒飭逐領軍

宿州畱贈

杜牧

紅鉛濕盡半羅裙洞府人問手欲分
滿面風流雖似玉四年夫壻恰如雲
當春離恨盃長滿倚柱關情日漸曛

爲報眼波須穩當五陵遊宕莫知聞

瓜州畱別李詡

許渾

泣玉三年一見君白衣憔悴更離羣楊堤惜別春潮晚
花榭畱歡夜漏分孤館宿時風帶雨遠帆歸處水連雲
悲歌曲盡莫重奏心遶關河不忍聞

經李給事舊居

歸作儒翁出致君故山誰復有遺文漢庭使氣摧張禹
楚國懷憂送范雲楓葉暗時迷舊宅芳花落處認荒墳
朱絃一奏沈湘怨風起寒波日欲曛

贈天卿寺神亮上人

趙嘏

五看春盡此江濱
花自凌風日自曛
空有慈悲隨物念
已無踪跡在人羣
迎秋日色簷前見
入夜鐘聲竹外聞
笑指白蓮心自得
世間煩惱是浮雲

失意書懷呈知己

馬戴

直道何由啓聖君
非才誰敢議論文
心存黃籙兼丹訣
家憶青山與白雲
麋鹿幽棲閑可近
鵷鸞高舉勢宜分
微生不學劉琨輩
劍刃相交擬立勲

邊館逢賀秀才

貧病無疎我與君
不知何事久離羣
鹿裘其弊同爲客
龍闕將移擬獻文
空館夕陽鴉繞樹
荒城寒色雁和雲

不堪吟斷邊笳曉葉落東西客又分

宿王屋天壇

星斗半沉蒼翠色紅霞遠照海濤分
折松曉拂天壇雪投簡寒窺玉洞雲
絕頂醺迴人不見潑林磬度鳥應聞
未知誰與傳金籙獨向仙祠拜老君

秋日登醴泉縣樓

劉滄

閒上高樓時一望綠蕪寒蟬靜中分
人行直路入秦樹雁截斜陽背塞雲
渭水自流汀島色漢陵空長石苔紋
秋風高柳出危葉獨聽蟬聲日欲曛

遊上方石窟寺

苔徑縈迴景漸分
翛然空界靜埃氛
一聲疎磬過寒水
半壁危樓隱白雲
雪下石龕僧在定
日西山木鳥成羣
幾來吟嘯立朱檻
風起天香處處聞

山行

項斯

青櫪林深亦有人
一渠流水數家分
山當日午回峯影
草帶泥痕過鹿羣
蒸茗氣從茆舍出
繰絲聲隔竹籬聞
行逢賣藥歸來客
不惜相隨入島雲

同鄭相并歌姬小飲戲贈

李羣玉

裙拖六幅湘江水

一作瀟湘

鬢聳

巫山一片

一作十朶

雲風格只

應天上有歌聲
豈合世間聞

胸前瑞雪鏗斜照
眼底桃

花酒半醺不是相如憐賦客爭一
易見文君

樂遊原春望

李頻

五陵佳氣晚氤氲
霸業雄圖勢自分
秦地山河連紫塞
漢家宮殿入青雲
未央樹色春中見
長樂鐘聲月下聞
無那楊花起愁思
滿天飄落雪紛紛

題長洲陳明府小亭

方干

坐看孤峭却勞神
還是微吟到日曛
松鶴認名呼得下
沙蟬飛處聽猶聞
夜闌亦似潑山月
雨後惟關滿屋雲
便此逍遙應不易
朱衣紅旆未容君

薄命妾

胡曾

阿嬌初失漢皇恩舊賜羅衣亦罷熏倚枕夜悲金屋雨
卷簾朝泣玉樓雲宮前葉落鴛鴦瓦架上塵生翡翠裙
龍騎不巡時漸久長門空掩綠苔紋

夏日湖上卽事寄晉陽蕭明府

章碣

亭午羲和駐火輪開門佳樹庇湖濱行來賓客奇茶味
睡起兒童帶簟紋屋小有時投樹影舟輕不覺入鷗羣
陶家豈是無詩酒公退堪驚日已曛

入塞曲

沈彬

苦戰沙間卧箭痕戍樓閒上望星文生希國澤分偏將
死奪河源答聖君鳶覷敗兵眠白草馬驚邊鬼哭陰雲

功多地遠無人紀
漢閣笙歌日又曠

聞開元寺開筍園寄章上人

皮日休

園鎖開聲駭鹿羣
滿林鮮籜水犀文
森森競泫林梢雨
雙雙爭穿石上雲
並出亦如鷺管合
各生還似犬牙分
折烟束露如相遺
何胤明朝不茹葷

懷楊台文楊鼎文二秀才

羊曇畱我昔經春
各以篇章鬪五雲
賓草每容閒處見
擊琴多任醉中聞
釣前青翰交加倚
醉後紅魚取次分
爲說風標曾入夢
上仙初著翠霞裙

冬曉章上人院

山堂冬曉寂無聞一句清言憶領軍
琥珀珠粘行處雪
櫻欄簾掃卧來雲
松扉欲啓如鳴鶴
石鼎初煎若聚蚊
不是戀師歸去晚
陸機茸內足毛羣

寄潤卿博士

高眠可爲要玄纁
鵲尾金爐一世焚

陶貞白有金鵲尾香爐

塵外

鄉人爲許掾
山中地主是茅君
將收芝菌惟防雪
欲曬圖書不奈雲
若便華陽終卧去
漢家封禪用誰文

病後春思

連錢錦暗麝氛氲
荆思才多詠鄂君
孔雀鈿寒窺沼見
石榴紅重墮階聞
牢愁有度應如月
春夢無心祇似雲

愿笑病

臨頓宅將有于歸之日魯望以詩見貺因抒懷酬

之

共老林泉忍暫分此生應不識迴文幾枚竹笥送德曜
一乘柴車迎少君舉案品多緣澗藥承家事少爲谿雲
居然自是幽人事輒莫教他孫壽聞

襲美以魚牋見寄因謝成篇

陸龜蒙

擣成霜粒細鱗鱗知作愁吟幸見分向日午驚新繭色

臨風時辨白萍文

魚子曰
白萍

好將花下承金粉堪送天邊

詠碧雲見倚小窗親襞染盡圖春色寄夫君

王豈什調轅

文

懷楊台文楊鼎文二秀才

秋早相逢待得春崇蘭清露小山雲

崇蘭小山
郡中二堂

寒花獨

自愁中見曙角多同

一作從

醒後聞釣具每隨輕舸去詩

題閒上小樓分重思醉墨縱橫甚書破羊欣白練裙

奉和襲美寄廣文先生

忽辭明主事真君直取姜巴路人雲龍篆拜時輕誥命
霓襟披後小玄纁峯前北帝三元會石上東卿九錫文
應笑世間名利火等閒靈府剩先焚

次和病後春思

氣和靈府漸氤氲酒有賢人藥有君七字篇章

清川得

百勞言語傍花間
閒尋古寺銷晴日
最憶浹溪枕夜雲
早晚共搖孤艇去
紫屏風外碧波文

嚴子重以詩遊於名勝間舊矣
余晚於江南相遇
甚樂不幸且沒襲美作詩序而弔之
真不朽矣
又何戚其死哉
余因息悲而爲之和

每值江南日落春
十年詩酒愛逢君
芙蓉湖上吟船倚
翡翠巖前醉馬分
祇有汀洲連舊業
豈無章疏勒遺文
猶憐未卜佳城處
更劇要離塚畔雲

酬襲美先輩見寄來韻

張 賁

尋疑天意喪斯文
故選茅峯寄白雲
酒後只畱滄海客

香前惟見紫陽君近年已絕詩書癖今日兼將筆硯焚
爲有此身猶苦患不知何者是玄纁

送友罷舉赴邊職

李洞

出剡篇章入洛文無人細讀歎俱焚莫辭秉笏隨紅旆
便好携家住白雲過水象浮蠻境見隔關猿呌漢州聞
高談潤略陳從事盟誓邊庭壯我軍

少華甘露寺

鄭谷

石門蘿徑與天鄰雨檜風篁遠近聞飲澗鹿喧雙派水
上樓僧踏一梯雲孤烟薄暮關城沒遠色初晴渭曲分
長欲燃香一作燈來此宿北林猿鶴舊同羣

送田光

九陌低迷誰問我五湖流浪可悲君著書笑破蘇司業
賦詠思齊鄭廣文理棹好携三百首阻風須飲幾千分
耒陽江口春山綠慟哭應尋杜甫墳

結綬鄆郊縻攝府署偶有自詠

鶯離寒谷士逢春釋褐年來暫種芸自笑老爲梅少府
可堪貧攝鮑參軍酒酣往事多興念吟苦鄰家必厭聞
推却簿書搔短髮落花飛絮正紛紜

松

韓喜

倚空高樹冷無塵往事閑徵夢欲分翠色本宜霜後見

寒聲偏向月中聞啼猿想帶蒼山雨歸鶴應和紫府雲
莫向東園競桃李春光還是不容君

赤壁懷古

崔塗

漢室河山鼎勢分勤王誰肯顧元勳不知征伐由天子
惟許英雄共使君江上戰餘陵是谷渡頭春在草連雲
分明勝敗無尋處空聽漁歌到夕曛

山中寄友

杜荀鶴

山深長恨少同人覽景無時不憶君庭果自從霜後熟
夜猿頻向屋邊聞琴臨秋水彈明月酒向東山酌白雲
仙桂算攀攀合得平生心力盡於文

哭山友

十載同棲廬嶽雲寒燒枯葉夜論文在生未識公卿面
至死不離麋鹿羣從見蓬蒿叢壞屋長憂雨雪透荒墳
把君詩句高聲讀想得天高也合聞

贈僧

韓偓

盡說歸山避世塵幾人終肯別囂氛
餅添澗水盛將月衲挂松枝惹得雲
三接舊承前席遇一靈今用戒香熏
相逢莫話金鑾事觸撥傷心不忍聞

山驛

參差西北數行雁寥落東方幾片雲
疊石小松張水部

暗山寒雨淅將軍秋花粉黛宜無味獨鳥笙簧稱靜聞
瀟灑襟懷遺世慮驛樓紅葉自紛紛

聞雁

盧弼

秋風蕭瑟靜埃氛邊雁迎風響咽羣瀚海應嫌霜下早
湘川偏愛草初薰蘆洲宿處依沙岸榆塞飛時度晚雲
何處最添羈客恨竹窗殘月酒醒聞

看蜀女轉昭君變

吉師老

妖姬未著石榴裙自道家連錦水濱檀口解知千載事
清詞堪歎九秋文翠眉嚬處楚邊月畫卷開時塞外雲
說盡綺羅當日恨昭君傳意向文君

奉酬宣上人九月十五日東亭望月見贈因懷紫

閣舊遊

鄭 綯

中年偶逐鴛鸞侶弱歲多從麋鹿羣紫閣道流今不見
紅樓禪客早曾聞松齋月朗星初散苔砌霜繁夜欲分
一覽綵牋佳句滿何人更詠惠休文

贈鍾尊師遊茅山

李 中

叩杖擔琴背俗塵路尋茅嶺有誰羣仙翁物外應相遇
靈藥壺中必許分香入肌膚花洞酒冷侵霓夢石牀雲
伊予亦有朝修志異日遨遊願見君

吉水縣依韻酬華松秀才見寄

官況蕭條在水村吏歸無事好論文枕欹獨聽殘春雨
夢去空尋五老雲竹徑每憐和蘚步禽聲偏愛隔花聞
詩情冷淡知音少獨喜江臯得見君

送范評事入關

韋莊

寂寥門戶寡相親日日頻來只有君正喜琴樽長作伴
忽携書劍遠辭羣傷心柳色離亭見聒耳蟬聲故國聞
爲報明年杏園客與畱絕艷待終軍

長安春贈友人

吳商皓

繁華堪泣帝城春粉堞青樓勢礙雲花對玉鉤簾外發
歌飄塵上路邊聞幾多遠客覓空斷何處王孫酒自醺

各有歸程千萬里東風時節恨離羣

湘南春日懷古

羅隱

晴江春暖蘭蕙薰鳬鷺冉冉鷗著羣
洛陽賈誼自無命少陵杜甫兼有文
空濶遠帆遮落日蒼茫密樹礙歸雲
松醪酒好昭潭靜閒過中流一弔君

送梅處士歸寧國

十五年前卽別君別時天下未紛紜
亂離且喜身俱在存歿那堪耳更聞
良會謾勞悲曩跡舊交誰去弔荒墳
殷勤爲謝逃名客想望千秋嶺上雲

定遠樓

前年上將定妖氛曾築嚴城駐大軍近日關防雖弛柝
舊時欄檻尚侵雲蠻兵續盛人皆伏坐石名高世共聞
惟恐亂來良吏少不知誰解敘功勲

賀淮南節度盧員外賜緋

儉蓮高貴九霄間粲粲朱衣降五雲驄馬蚤年曾避路
銀魚今日且從軍御題緋服垂天眷袍展花心透縠紋
應笑當年老萊子鮮華都自降明君

惜春

羅鄴

燕歸巢後卽離羣吟倚東風恨日曛一別一年方見我
遊來遊去不禁君鶯花御苑看將盡絲竹侯家亦少聞

獨在南樓正惆悵柳塘花絮更紛紛

流水

漾漾悠悠幾派分中浮短艇與鷗羣天涯帶雨淹芳草
玉洞漂花下白雲靜稱一竿持處見急宜孤館覺來聞
隋家柳畔偏堪恨東入長淮日又曛

寄廣南劉僕射

殷文珪

戰國從今却尚文品流才子作將軍畫船清宴蠻溪雨
粉閣閑吟瘴嶠雲暴客卸戈歸惠政史官調筆待儒勲
漢儀一化南人後牧馬無因更夜聞

憶山中友

徐寅

三
二
言
集
主
憶得當年接善羣，苦將閒事強夫君。
鬪開碧沼分明月，各領青山占白雲。
近日藥方多繕寫，舊來詩草半燒焚。
金門幾欲言西上，惆悵關河正用軍。

新屋

耳順何爲土木勤，叔孫墻屋有前聞。
縱然一世如紅葉，猶得十年吟白雲。
性逸且圖稱野客，才難非敢傲明君。
清甜數尺沙泉井，平與鄰家晝夜分。

貢餘秘色茶盞

振碧融青瑞色新，陶成先得貢吾君。
巧剡明月染春水，輕旋薄冰盛綠雲。
古鏡破苔當席上，嫩荷涵露別江濱。

中山竹葉香初發多病那堪中十分

峽中酬荆南鄭準

僧尚顏

山齋西向蜀江濱四載安居復有羣風雁勢高猶可見
雪猿聲苦不堪聞新詩寫出難勝寶破衲行時却類雲
每喜泝流賓客說元瑜刀筆潤雄軍

于慎學元直校

新屋

耳順何妨主未聘以爲高屋行于斯學云直楚

世喜我荒賓客猶示能以筆聞將軍

雲赴輦苦不欺問謙荷寫出難親寶如麻汗却吐賤雲

山齋西向置玉簪四輝送岳真百羣風郵幾高餘可見

勉中酬謝南瀛舉

曾尚臆

中山竹葉香麻發多詠泯其中十人

玉堂才調集

元七十首

郭震一首

王維一首

杜甫二首

劉長卿四首

秦系一首

李嘉祐二首

韋應物一首

盧綸三首

李益一首

戴叔倫一首

權德輿一首

劉禹錫一首

呂溫二首

楊巨源一首

張籍二首

白居易一首

李紳 二首

賈島 一首

姚合 一首

周賀 一首

章孝標 一首

李商隱 一首

溫庭筠 一首

許渾 一首

雍陶 一首

李羣玉 一首

李頻 一首

方干 二首

趙光遠 一首

皮日休 一首

李洞 一首

鄭谷 一首

李山甫 一首

杜荀鶴 三首

吳融 二首

韓偓 三首

劉兼 一首

李中 一首

辛莊 三首

黃滔 一首

羅隱 三首

譚用之 三首

玉堂才調集



蘇軾

二首

蘇軾

三首

辛棄疾

二首

黃升

一首

陸游

一首

李中

一首

玉堂才調集

元

寄劉校書

郭震

俗吏三年何足論
每將榮辱在朝昏
才微易向風塵老
身賤難酬知己恩
御苑殘鶯啼落日
黃山細雨濕歸軒
迴首漢家丞相府
昨來誰得掃重門

重酬苑郎中

并序

王維

頃輒奉贈忽枉見訓
敘末云且久不遷因而嘲
及詩落句云應同羅漢無名欲故作馮唐老歲
年亦解嘲之類也

何幸含香奉至尊多慚未報主人恩草木盡能酌雨露
榮枯安敢問乾坤仙郎有意憐同舍丞相無私斷掃門
楊子解嘲徒自遣馮唐已老復何論

白帝

杜甫

白帝城中雲出門白帝城下雨翻盆高江急峽雷霆鬪
古木蒼藤日月昏戎馬不如歸馬逸千家今有百家存
哀哀寡婦誅求盡慟哭秋原何處村

返照

楚王宮北正黃昏白帝城西過雨痕返照入江翻石壁
歸雲擁樹失山村衰年病肺惟高枕絕塞愁時早閉門

不可久畱豺虎亂南方實有未招蒐

獻淮寧軍節度李相公

劉長卿

建牙吹角不聞喧三十登壇衆所尊
家散萬金訓士死身畱一劍答君恩
漁陽老將多回席魯國諸生半在門
白馬翩翩春草綠邵陵西去獵平原

哭陳歙州

千秋萬古共平原惟有清風及子孫
旅櫬歸程傷道路

舉家行哭向田園空

一作寒

山寂寂

一作搖落

開新

一作空殘

壠喬

木蒼蒼

一作故疎蕪

掩舊

一作獨掩

門儒行公才竟何在獨憐棠

樹一枝存

錢王相公出牧括州

縉雲豈比長沙遠出牧猶承明主恩
城對寒山開畫戟路飛秋葉轉朱轡
江潮淼淼連天望旌旆悠悠上嶺翻
蕭索庭槐空閉閣舊人誰到翟公門

送台州李使君兼寄題國清寺

露冕新承明主恩山城別是武陵源
花間五馬時行縣天外千峯常在門
晴江洲渚帶春草古寺杉松深暮猿
知到應真飛錫處因君一想已忘言

山中枉皇甫溫大夫見招書

秦系

十年木屐步苔痕石上松間水自喧
三辟草堂仍被褐

數行書札忽臨門卧多共息
嵇康病才劣虛同郭隗尊
亞相已能憐老倒山花笑處
暮啼猿

送宋中舍遊江東

李嘉祐

孤城郭外送王孫越水吳洲
共爾論野寺山邊斜有徑
漁家竹裏半開門青楓獨映
搖前浦白鷺閒飛過遠村
若到西陵征戰處不看秋草
自傷冤

秋晚招隱寺東峯茶宴送內弟閭伯均歸江州

萬畦新稻傍山村數里溪松
到寺門幸有茶香畱穉子
不堪秋草送王孫烟塵怨別
惟愁隔井邑蕭條誰忍論
莫怪臨岐獨垂淚魏舒偏念
外家恩

寓居灋上精舍寄于張二舍人

韋應物

萬水叢雲出香閣西連碧澗竹林園高齋獨宿遠山曙
微霰下庭寒雀喧道心淡泊對流水生事蕭條空掩門
時憶故交那得見曉排閭闔奉明恩

晚次新豐北野老家書事呈贈韓質明府

盧綸

城鳴春響日噉噉雞犬相和漢古村數派清泉黃菊盛
一林寒露紫梨繁衰翁正席矜新社稚子齊矜讀古論
共說年來但無事不知何者是君恩

送李尚書昆季侍從歸省滑州

鳳雛聯翼美王孫綵服戎裝擬塞垣金鼎對筵調野膳
玉鞭齊騎引行軒水河一曲旌旗滿墨詔千封雨露繁
更說務農將罷戰敢將歌頌慶晨昏

春日卧病示趙季黃

病中饒汨眼常昏聞說花開亦閉門語少漸知琴思苦
臥多惟覺鳥聲喧黃埃滿市圖書賤黑霧連山虎豹尊
今日支離顧形影向君凡在幾重恩

奉酬崔員外携琴宿使院

李益

忽聞此夜携琴宿遂歎常時塵吏喧庭木已衰空月亮
城砧自急對霜繁猶持副節畱軍府未薦高詞直掖垣

誰問南飛長繞樹官微同在謝公門

漢宮人入道

戴叔倫

蕭蕭白髮出宮門
羽服星冠道意存
霄漢九重辭鳳闕
雲山何處訪桃源
瑤池醉月勞仙夢
玉輦乘春却帝恩
回首吹簫天上伴
上陽花落共誰言

待漏假寐夢歸江東舊居因寄惠開梨茅處士

權德輿

十年江浦臥郊園
閑夜分明結夢魂
舍下烟蘿通古寺
湖中雲雨到前軒
南宗長老知心法
東郭先生識化源
覺後忽聞清漏曉
又隨簪珥入君門

送宗密上人歸南山草堂寺因謁河南尹白侍郎

劉禹錫

宿習修來得慧根，多聞第一却忘言。
自從七祖傳心印，不要三乘入便門。
東泛滄浪尋古跡，西歸紫閣出塵喧。
河南白尹大檀越，好把真經相對翻。

道州夏日早訪荀叅軍林園敬酬見贈

呂溫

高眠日出始開門，竹逕旁通到後園。
陶亮橫琴空有意，任棠置水自無言。
松寒宿翠含風薄，槿暖朝花帶露繁。
山郡本來車馬少，更容相訪莫辭喧。

經河源軍漢村作

行行忽到舊河源城外千家作漢村
樵採未侵征墓
耕耘猶就破羗屯金湯天險長全設
伏臘華風亦暗存
暫駐單車空下淚有心無力復何言

送章孝標歸杭州因寄白舍人

楊巨源

曾過靈隱江邊寺獨宿東樓看海門
潮色銀河鋪碧落
日光金柱出紅盆不妨公事資高臥
無限詩情要細論
若訪郡人徐孺子應須騎馬到沙村

送侯判官赴廣州從軍

張籍

年少才高求自展將身萬里赴軍門
辟書遠到開呈客

公服新成着謝恩
驛舫過江分白堊
戍亭當嶺見紅旛
海花蠻草連冬有
行處無家不滿園

宣政殿朝日勅賜百官櫻桃

仙果人間都未有
今晨忽見下天門
捧盤小吏初宣勅
當殿羣臣共拜恩
日色遙分廊下座
露香纔出禁中園
每年重此偏先熟
願得千春奉至尊

故衫

白居易

闇淡緋衫稱老身
半披半曳出朱門
袖中吳郡新詩本
襟上杭州舊酒痕
殘色過梅看向盡
故香因洗嗅猶存
曾經爛熳三年著
欲棄空箱似少恩

憶春日曲江宴後至芙蓉園

李紳

春風上苑開桃李
詔許看花入御園
香逕草中迴玉勒
鳳凰池畔泛金樽
綠絲垂柳遮風暗
紅藥低叢拂砌繁
歸繞曲江烟景晚
未央明月鎖千門

別雙溫樹

翠條盈尺憐孤秀
植向西窗待月軒
輕剪綠絲秋葉暗
密扶纖榦夏陰繁
故山手種空懷想
溫室心知不敢言
看爾拂雲今得地
莫隨陵谷改溪根

上杜駙馬

賈島

玉山突兀壓乾坤
出得朱門入戟門
妻是九重天子女

身爲一品令公孫鴛鴦殿裏參皇后龍鳳堂前賀至尊
今日澧陽非久駐佇爲霖雨拜新恩

寄汴州令狐楚相公

姚合

汴水從今不復渾秋風輦鼓動城根梁園臺館關東少
相府旌旗天下尊詩好四方誰敢和政成三郡自無冤
幾時詔下歸丹闕還領千官入闕門

贈神邁上人

周賀

草履蒲團山意存坐看庭木長桐孫行齋罷講仍香氣
布褐離牀帶雨痕夏滿尋醫還出寺晴來曬疏暫開門
道情淡薄閒愁盡霜色何因入髮根

蜀中贈廣上人

章孝標

曾持麈尾引金根
萬乘前頭草五言
疏講青龍歸奈苑
歌抄白雪乞梨園
朝驚雲氣遮天閣
暮達猿聲入劍門
今日西川無子美
詩風又起浣花村

哭劉司戶蕢

李商隱

上帝深宮閉九闌
巫咸不下問銜冤
廣陵別後春濤隔
滙浦書來秋雨翻
只有安仁能作誄
何曾宋玉解招魂
平生風義兼師友
不敢同君哭寢門

汴上送李郢之蘇州

人高詩苦滯夷門
萬里梁王有舊園
烟幌自應歌白紵

月樓誰伴咏黃昏露桃塗頰依苔井風柳誇腰住水村
蘇小小墳今在否紫蘭香逕與招魂

杏花

溫庭筠

紅花初綻雪花繁重疊高低滿小園正見盛時猶悵望
豈堪開處已續翻情爲世界詩千首醉是吾鄉酒一樽
杳杳艷歌春日午出牆何處隔朱門

疾後與郡中羣公宴李秀才

許渾

強留佳客讌王孫岩上餘花落酒樽書院欲開虫網戶
訟庭猶掩雀羅門耳虛盡日疑琴癖眼暗經秋覺鏡昏
莫引劉安倚西檻夜來紅葉下江村

題舒女廟

仙樂來迎去不言
廟前高柳水禽喧
綺羅無色雨侵帳
珠翠有聲風遶幡
粧鏡尚疑山月滿
寢屏猶認野花繁
孤舟夢斷行雲散
何限離心寄曉猿

晴詩

曹邕作塞路初晴

雍陶

晚虹斜日塞天昏
一半山川帶雨痕
新水亂侵青草路
殘烟猶傍綠楊村
人羊馬休南牧漢
將旌旗在北門
行子喜聞無戰伐
閒看遊騎獵秋原

送于少監自廣州還紫邏

李羣玉

鳴臯山水似麻源
謝監東還憶故園
海嶠烟霞輕逸翰

洛川花木待回軒
宦情薄去詩千首
世事閒來酒一樽
明日書中見顏範
始應通籍入金門

送邊將

李頻

防秋戎馬恐來奔
詔發將軍出雁門
遙領短兵登隴首
獨橫長劍向河源
旌旗落日黃雲動
鼓角陰風白草翻
若使干戈更深入
應聞收得到崑崙

越州使院竹

方干

莫見凌雲飄粉籜
須知礙石作盤根
細看枝上蟬吟處
猶是筍時虫蝕痕
月送綠陰斜上砌
露凝寒色濕遮門
列仙終日逍遙地
鳥雀潛來不敢喧

陽亭言事獻漳州于使君

重疊山前對酒樽
騰騰兀兀度朝昏
平明疎磬白雲寺
遙夜孤砧紅葉村
去鳥豈知烟樹遠
驚魚應覺露荷翻
旅人寄食逢黃菊
每見故人思故園

途中言事寄居遠上人

舉目時看似故園
鄉心自動向誰言
白雲曉濕寒山寺
紅葉夜飛明月村
震澤風帆歸橘樹
錢塘水府抵城根
羨師了達無牽束
行徑生苔掩竹門

題北里妓人壁

趙光遠

魚鑰獸環斜掩門
萋萋芳草憶王孫
醉凭青鎖窺韓壽

閒擲金梭惱謝鯤不夜珠光連玉匣
辟寒釵影落瑤樽
欲知腸斷相思處役盡江淹別後魂

次徐方平後聞赦韻

皮日休

金雞烟外上臨軒紫誥新垂作解恩
涿鹿未消初敗血
新安頓雪已坑魂空林葉盡蝗來郡
腐骨花生戰後邨
未遣蒲車問幽隱共君應老抱桐孫

弔曹監

李洞

宅上愁雲吹不散桂林詩骨葬雲根
滿樓山色供鄰里
一洞松聲付子孫甘露施衣封淚點
秘書取集印苔痕
吟魂醉魄歸何處御水鳴鳴夜遶門

自遣

鄭谷

強健宦途何足謂，入微章句更難論。
誰知野性真天性，不扣權門扣道門。
窺硯晚鶯臨砌樹，迸堦春筍隔籬根。
朝回何處消長日，紫閣峯南舊村。

兵後尋邊

李山甫

千里烟沙盡日昏，戰餘燒罷閉重門。
新成劍戟皆農器，舊著衣裳盡血痕。
卷地朔風吹白骨，挂天青氣泣幽魂。
自憐長策無人問，羞戴儒冠傍塞垣。

晚菊

籬畔霜前偶得存，苦教遲晚避蘭蓀。
能銷造化幾多力，

不受陽和一點恩
生處豈容依玉砌
要時還許上金樽
陶公沒後無知己
露滴幽叢見淚痕

哭方干

杜荀鶴

何言寸祿不沾身
身沒詩名萬古存
況有數篇關教化
得無餘慶及兒孫
漁樵共壘墳三尺
猿鶴同棲月一村
天下未寧吾道喪
更誰將酒酌吟魂

題江寺禪和

江寺禪僧似悟禪
壞衣芒屨住茆軒
懶求世主修真像
翻說經文是妄言
出浦釣船驚宿鴈
伐巖樵斧迸寒猿
行人莫問師宗旨
眼不浮花耳不喧

投鄭先輩

匣中長劍未酬恩，不遇男兒不合論。
悶向酒盃吞日月，閒將詩句問乾坤。
寧辭馬足勞關路，肯爲漁竿憶水村。
兩鬢欲斑三百首，更教裝寫傍誰門。

秋日經別墅

吳融

別墅蕭條海上村，偶期蘭菊與琴樽。
簷橫碧嶂秋光近，樹帶閒潮晚色昏。
幸有白雲眠楚客，不勞芳草思王孫。
北山移去前文在，無復教人歎曉猿。

偶書

青牛關畔寄孤村，山當屏風石當門。
芳樹綠陰連蔽芾，

長河飛浪
崑崙苔田綠後蛙爭聚麥隴黃時雀更喧
只此無心
使無事避人何必武陵源

廢宅

風飄碧瓦雨摧垣却有鄰人爲鎖門
幾樹好花虛白晝
滿庭芳草易黃昏
放魚池涸蛙爭聚棲燕梁空雀自喧
不獨淒涼眼前事咸陽一火變寒原

春盡

韓偓

惜春連日醉昏昏
醒後衣裳見酒痕
細水浮花歸別澗
斷雲含雨入孤村
人閒易得芳時恨
地迴難招自古魂
慚愧流鶯相厚意
清晨猶爲到西園

再止廟居

去值秋風來值春前時今日共銷魂
頽垣古栢疑山觀
高柳鳴鴉似水村
菜甲未齊初出葉
樹陰方合掩重門
幽溪凍餒皆推分
靜者還應爲討論

曲江夜思

鼓聲將絕月斜痕
園外閒芳半掩門
池裏紅蓮凝白露
苑中青草伴黃昏
林塘闌寂偏宜夜
烟火依稀便似村
大抵世間幽獨景
最關詩思與離魂

長春節

劉兼

聖朝佳節遇長春
跪捧金爐祝又焚
寶藏發來天地秀

兵戈銷後帝皇尊
太平基址千年永
混一車書萬古存
更有馨香滿芳檻
和風遲日在蘭蓀

贈史虛白

李中

致主嘉謀尚未伸
慨然淡志與誰論
喚迴古意琴開匣
陶出真情酒滿樽
明月過溪吟釣艇
落花堆席睡僧軒
九重夢卜時終在
莫向淡雲獨閉門

贈海上書記張濟員外

鵬霄休歎志難伸
貧病雖縈道且存
阮瑀不能專筆硯
嵇康惟要樂琴樽
春風滿院空欹枕
芳草侵堦獨閉門
劍有塵埃書有蠹
昔年心事共誰論

柳谷道中作却寄

韋莊

馬前紅葉正紛紛
馬足難離斷殺魂
曉發獨辭殘月店
暮程遙宿隔雲村
心如岳色畱秦地
夢逐河聲出禹門
莫怪苦吟鞭拂地
有誰傾蓋待王孫

夏初與侯補闕江南有約同泛淮汴西赴行朝莊
自九驛路先至甬橋補闕由淮楚續至泗上寢
病旬日遽聞捐館迴首悲慟因成長句四韻弔
之

本約同來謁帝闈
忽隨川浪去東奔
九重聖主方虛席
千里高堂尚倚門
世德只應榮伯仲
時名終以付兒孫

遙憐月落清淮上寂寞何人弔旅魂

江南送李明府入關

雨花烟柳傍江邨流落天涯酒一樽
分手不辭多下淚回頭惟恐更消魂
我爲孟館三千客君繼寧王五代孫
正是中興磐石重莫將憔悴入都門

長安書事

黃滔

一年年課數千言口祝心祠挈出門
孤進難時誰肯薦王司通處不須論
瀕秋入自邊城雪昨日聽來嶺樹猿
若有水田過十畝早應歸去荻江村

送程尊師之晉陵

羅隱

棟間雲出認行軒
郊外陰陰夏木繁
高道乍爲張翰侶
使君兼是世龍孫
溪含句曲清連底
酒貰餘杭綠滿樽
莫見時危便乘興
人來何處不桃源

江南寄所知周僕射

曾陪公子醉西園
峴首碑前事懶言
世亂共嗟王粲老
時危俱受信陵恩
潮憐把盞吟江徼
雨憶凭闌望海門
飛蓋寂寥清宴罷
不知簪履更誰存

三衢哭孫員外

燕戀雕梁馬戀軒
此心從此更何言
直將塵外三生命
未敵君侯一日恩
紅蠟有時還入夢
片帆何處獨消魂

忍看明發衣襟上珠淚痕中見酒痕

秋宿湘江遇雨

譚用之

江上陰雲鎖夢魂江邊溪夜舞劉琨秋風萬里芙蓉國
暮雨千家薜荔村鄉思不堪悲橘柚旅遊誰肯重王孫
漁人相見不相問長笛一聲歸島門

憶南中

碧江頭與白雲門別後秋霜點鬢根長記學禪青石寺
最思共醉落花村林間竹有湘妃淚窗外禽多杜宇冤
未棹扁舟重廻首採薇收橘不堪論

春日秦國懷古

一刻
周朴

荒郊一望欲消魂
涇水縈紆傍遠村
牛馬放多春草盡
原田耕破古碑存
雲和積雪蒼山晚
烟伴殘陽綠樹昏
數里黃沙行路客
不堪回首思秦原

于秉成叙九校

玉堂才調集

寒 八十六首

張說 一首

徐安貞 一首

王維 二首

岑參 一首

萬楚 一首

嚴武 一首

張謂 一首

杜甫 六首

劉長卿 一首

錢起 二首

盧綸 一首

包佶 一首

崔尚 一首

戎昱 一首

戴叔倫 一首

王建 三首

權德輿 一首

劉禹錫 二首

羊士諤 一首

呂溫 一首

張籍 二首

白居易 六首

李端 一首

施肩吾 一首

王叡 一首

李商隱 二首

許渾 二首

薛逢 二首

劉滄 二首

雍陶 一首

李羣玉 二首

李遠 一首

方干 二首

胡曾 一首

唐彥謙 一首

章綬 二首

皮日休

陸龜蒙

李洞

鄭谷

張蠙

杜荀鶴

吳融

韓偓

劉兼

李中

唐球

譚用之

羅隱

羅鄴

平曾

玉堂才調集

寒

同趙侍御巴陵早春作

張說

江上春來早可觀
巧將春物妬餘寒
水苔共繞留鳥石
花鳥爭開鬪鴨欄
佩勝芳辰日漸暖
燃燈美夜月初圓
意隨北雁雲飛去
直待南州蕙艸殘

聞隣家理箏

徐安貞

北斗橫天夜欲闌
愁人倚月思無端
忽聞畫閣秦箏逸
知是隣家趙女彈
曲成虛憶青娥歛
調急遙憐玉指寒
銀鎖重關聽未闌
不如眠去夢中看

酌酒與裴廸

王維

酌酒與君君自寬
人情反覆似波瀾
白首相知猶按劍
朱門先達笑彈冠
草色全經細雨濕
花枝欲動春風寒
世事浮雲何足問
不如高卧且加餐

勅賜百官櫻桃

芙蓉闕下會千官
紫禁朱櫻出上闌
纔是寢園春薦後
非關御苑鳥啣殘
歸鞍競帶青絲籠
中使頻傾赤玉盤
飽食不須愁內熱
大官還有蔗漿寒

奉和中書舍人賈至蚤朝大明宮
岑參

雞鳴紫陌曙光寒
鶯囀皇州春色闌
金闕曉鐘開萬戶

玉階僊仗擁千官花迎劍珮星初落柳拂旌旗露未乾
獨有鳳凰池上客陽春一曲和皆難

驄馬

萬楚

金絡青驄白玉鞍長鞭紫陌野遊盤朝驅東道塵恆滅
暮到河源日未闌汗血每隨邊地苦蹄傷不憚壟陰寒
君能飲長城窟爲報天山行路難

寄題杜拾遺錦江野亭

嚴武

漫向江頭把釣竿懶眠沙草愛風湍莫倚善題鸚鵡賦
何須不著鷓鴣冠腹中書籍幽時曬肘後醫方靜處看
興發會能馳駿馬應須直到使君灘

杜侍御送貢物戲贈

張謂

銅柱朱崖道路難伏波橫海舊登壇
越人自貢珊瑚樹漢使何勞獬豸冠
疲馬山中愁日晚孤舟江上畏春寒
由來此貨稱難得多恐君王不忍看

嚴中丞仲夏枉駕草堂兼攜酒饌得寒字

杜甫

竹裏行廚洗玉盤花邊立馬簇金鞍
非關使者徵求急自識將軍禮數寬
百年地僻柴門迥五月江深草閣寒
看弄漁舟移白日老農何有罄交歡

宿府

清秋幕府井梧寒獨宿江城蠟炬殘永夜角聲悲自語
中天月色好誰看風塵荏苒音書絕關塞蕭條行路難
已忍伶俜十年事強移棲息一枝安

九日藍田崔氏莊

老去悲秋強自寬興來今日盡君歡羞將短髮還吹帽
笑倩旁人爲整冠藍水遠從千澗落玉山高並兩峰寒
明年此會知誰健醉把茱萸仔細看

小寒食舟中作

佳辰強飲食猶寒隱几蕭條戴鶻冠春水船如天上坐
老年花似霧中看娟娟戲蝶過閒幔片片輕鷗下急湍

雲白山青萬餘里愁看直北是長安

賓至

幽棲地僻經過少老病入扶再拜難豈有文章驚海內
謾勞車馬駐江干竟日淹留佳客坐百年麤糲腐儒餐
不嫌野外無供給乘興還來看藥欄

遣悶戲呈路十九曹長

江浦雷聲喧昨夜春城雨色動微寒黃鶯並坐交愁濕
白鷺群飛太劇乾晚節漸於詩律細誰家數去酒盃寬
惟君最愛清狂客百遍相過意未闌

送子胥崔真父歸長城

劉長卿

送君卮酒不成歡
幼女辭家事
伯鸞桃葉宜人誠可咏
柳花如雪若爲看
心憐稚齒鳴環去
身愧衰顏對玉難
惆悵暮帆何處落
青山無限水漫漫

送李九貶南陽

錢起

玉柱金罍醉不歡
雲山驛道向東看
鴻聲斷續暮天遠
柳影蕭疎秋日寒
霜降幽林沾蕙若
弦驚翰苑失鴛鸞
秋來回首君門阻
馬上應歌行路難

幽居春暮書懷

自哂鄙夫多野性
貧居數畝半臨湍
溪雲雜雨來茅屋
山雀將雛到藥欄
仙籙滿牀閑不厭
陰符在篋老羞看

更憐童子宜春服花裏尋師指杏壇

送信州姚使君

盧綸

朱轡徐轉擁羣官猿鳥無聲郡宇寬
楚國上腴收賦重漢家良牧得人難
銅鉛滿穴山能富鴻雁連羣地亦寒
幾日政聲聞外戶九江行旅得相歡

贈廬山白鶴觀劉尊師

包佶

蒼蒼五老霧中壇杳杳三山洞裏官
手護崑崙象牙簡心推霹靂棗枝盤
春飛雪粉加毫潤曉漱瓊膏冰去聲
寒漸恨流年筋力少惟思脫冕事星冠

送韋八少府判官歸東京

崔尚

立成世業紫真官文似相如貌勝潘鴻雁南飛人獨去
雲山一別歲將闌清淮水急桑林晚古驛霜多柿葉寒
瓊樹相思何日到銀鈎數字莫爲難

謫官辰州冬至日書懷

戎昱

去年長至在長安策杖曾簪獬豸冠此歲長安逢至日
下堦遙想雪霜寒夢隨行伍朝天去身寄窮荒報國難
北望南郊消息斷江頭惟有淚闌干

贈徐山人

戴叔倫

亂餘山水半凋殘江上逢君春正闌針自指南天宵宵
星猶拱北夜漫漫漢陵帝子黃金盃晉代神仙白玉棺

回首風塵千里別故園
烟雨五峯寒

贈王屋道士

王建

玉皇符詔下天壇
玳瑁頭簪白角冠
鶴遣院中童子養
鹿憑山下老人看法成
不怕刀鎗利體一作髓
寔常欺石榻寒能斷
世間腥血味長生
只要一丸丹

和少府崔卿微雪早朝

蓬萊春雪曉猶殘
點地成花繞百官
已傍祥鸞迷殿角
還穿瑞草入袍欄
無多白玉堦前濕
積漸青松葉上乾
粉畫南山稜郭出
初晴一半隔雲看

送從姪凝赴江陵少尹

江陵少尹好閑官親故皆來勸自寬無事日長貧不易
有才年少屈終難沙頭且買紅螺盞渡口多呈白角盤
好向章華臺下醉莫衝雲雨夜淅寒

送張閣老中丞持節弔回鵲

權德輿

旌旆翩翩擁漢官君行當得遠人歡分職南臺知禮重
校書東觀見才難金章玉節鳴騶遠白草黃雲出塞寒
欲散別愁惟有酒慙煩賓從駐征鞍

蚤春對雪奉寄澧州元郎中

劉禹錫

新賜魚書墨未乾賢人暫屈遠人安朝驅旌旆行時令
夜見星辰憶舊官梅蕊覆堦鈴閣暖雪峯當戶戟枝寒

寧知楚客思公子北望長吟澧有蘭

令狐相公自太原累示新詩因以酬寄

飛蓬卷盡塞雲寒戰馬閑嘶漢地寬
萬里天無警急一籠烽火報平安
燈前妓樂畱賓宴雪後山河出獵看
珍重新詩遠相寄風情不似四登壇

酬西川獨孤侍御見寄

羊士諤

百雉層城上將壇列營西照雪峯寒
文章立事須銘鼎談笑論功耻據鞍
草檄青油推健筆曳裾黃閣聳危冠
雙金未比三年一作千字負弩應慚知者難

夏日題尋真觀李寬中秀才書院
呂溫

閉院開軒笑語闌江山併入一壺寬微風但覺杉香滿
烈日方知竹氣寒披卷最宜生白室吟詩好就步虛壇
願君此地攻文字如鍊仙家九轉丹

送楊少尹赴鳳翔

張籍

詩名往往動長安首首人家卷裏看西學已行秦博士
南宮新拜漢郎官得錢祇擬還書鋪借宅常時事藥闌
今去岐州生計薄移居偏近隴頭寒

送汀洲元使君

曾成趙北歸朝計因拜王門最好官爲郡暫辭雙鳳闕
全家遠過九龍灘山鄉祇有輪蕉戶水鎮應多養鴨欄

地僻尋常來客少刺桐花發共誰看

初冬卽事呈夢得

白居易

青瑣帳煖喜微雪紅地爐深宜蚤寒走筆小詩能和否
潑醅新酒試嘗看僧來乞食因畱宿客到開樽便共歡
臨老交親零落盡希君恕我取人寬

寄太原李相公

聞道北都今一變政和軍樂萬人安綺羅二八圍賓榻
組練三千夾將壇蟬髮應誇丞相少貂裘不覺太原寒
世間大有虛榮貴百歲無君一日歡

韋七自太子賓客再除秘書監以長句賀而餞之

予同爲秘監

離筵莫愴且同歡共荷新恩拜舊官
屈就商山伴麋鹿好歸芸閣狎鵷鸞
落星石上蒼苔古畫鶴廳前白露寒
老監姓名題在壁相思試爲拂塵看

晚池泛舟遇景成詠贈呂處士

岸淺橋平池面寬飄然輕棹泛澄瀾
風宜扇引開懷入樹愛舟行仰臥看
別境客稀知不易能詩人少詠應難
惟憐呂叟時相伴同把磻溪舊釣竿

出使在途所騎馬死改乘肩輦將歸
長安偶詠旅懷寄太原李相公

驛路崎嶇況雪寒欲登籃輦一長歎風光不見桃花騎
塵土空畱杏葉鞍喪乘獨歸殊不易脫驂相贈豈爲難
并州好馬應無數不怕旌旄試覓看

和令狐相公寄劉郎中兼見示

日月天衢仰面看尚淹池鳳滯臺鸞碧幢千里空移鎮
赤筆三年未轉官別後縱吟終少興病來雖飲不多歡
酒軍詩敵如相遇臨老猶能一據鞍

題故將軍莊

李端

曾將數騎過桑乾遙對單于飲馬鞍塞北征兒諳用劍
關西宿將計登壇田園蕪沒歸耕晚弓箭開離出獵難

惟有老身如刻畫猶期聖王解衣看

贈邊將

施肩吾

輕生奉國不爲難苦戰身多舊箭瘢
玉匣鎖龍鱗甲冷金鈴襯鶚羽毛寒
皂貂擁出花當背白馬騎來月在鞍
猶恐犬戎臨絕塞柳營時抱陣圖看

詠竹

王 叡

庭竹森疎玉質寒色苞蔥碧盡琅玕
翠筠不染湘娥淚斑籜堪裁漢主冠
成韻含風已蕭瑟媚漣凝綠更檀欒
此君引鳳爲龍日聳節梢雲直上看

當句有對

李商隱

密邇平陽接上蘭秦樓鴛瓦漢宮盤池光不定花光亂
日氣初涵露氣乾但覺遊蜂饒舞蝶豈知孤鳳憶離鸞
三星自轉三山遠紫府程遙碧落寬

碧城

碧城十二曲闌干犀辟塵埃玉辟寒閨苑有書多附鶴
女牆無樹不棲鸞星沉海底當窗見雨過河源隔座看
若是曉珠明又定一生長對水晶盤

朝臺送客有懷

許渾

趙佗西拜已登壇馬援南征土宇寬越國舊無唐印綬
蠻鄉今有漢衣冠江雲帶日秋偏熱海雨隨風夏亦寒

嶺北歸人莫回首
蓼花楓葉萬重灘

灞上逢元處士東歸

瘦馬頻嘶灞水寒
灞南高處望長安
何人更結王生襪
此客虛彈貢氏冠
江上螭螯沙渺渺
塢中蝸殼雪漫漫
舊交已變一作盡新知少
却伴漁郎把釣竿

漢武宮詞

薛逢

武帝清齋夜築壇
白斟明水醮仙官
殿前玉女移香案
雲際金人捧露盤
絳節幾時還入夢
碧桃何處更驂鸞
茂陵烟雨埋弓劍
石馬無聲蔓草寒

送霽州田尚書

陰風獵獵滿旗竿
白草颼颼劍戟攢
九姓羌渾隨漢節
六州蕃落從戎鞍
霜中入塞珣弓硬
月下翻營玉帳寒
今日路傍誰不指
穰苴門戶慣登壇

經無可舊居兼傷賈島

劉滄

塵室寒窗我獨看
別來人事幾凋殘
晝空蕭寺一僧去
雪滿巴山孤客寒
落葉墮巢禽自出
蒼苔封砌竹成竿
碧雲迢遞長江遠
向夕苦吟歸思難

江行夜泊

白浪連空極渺漫
孤舟此夜泊中灘
岳陽秋霽寺鐘遠
渡口月明漁火殘
綠綺韻高湘女怨
青葭色映水禽寒

鄉遙楚國生歸思欲曙山光上木蘭

經麻姑山

麻姑此地鍊神丹寂寞烟霞古竈殘一自仙娥歸碧落
幾年春雨洗紅闌帆飛震澤秋江遠雨過陵陽晚樹寒
山頂白雲千萬片時聞鸞鶴下仙壇

到蜀後記途中經歷

雍陶

劍峯重叠雪雲漫憶昨來時處處難大散嶺頭春足雨
褒斜谷裏夏猶寒蜀門去國三千里巴路登山八十盤
自到成都燒酒熟不思身更入長安

元微之酬樂天起
句云三千里外巴

蛇穴四十年
來司馬官

送秦鍊師歸岑公山

李羣玉

紫泥飛詔下金鑾列象分明世仰觀
北省諫書藏舊草南宮郎署握新蘭
春歸鳳沼恩波暖曉入鸞行瑞氣寒
偏是此生棲息者滿衣零淚一時乾

玉真觀

高情帝女慕乘鸞紺髮初簪玉葉冠
秋月無雲生碧落素蕖含露出清瀾
層城烟霧將歸遠浮世塵埃久任難
一自簫聲飛去後洞宮深掩碧瑤壇

隣人自金仙觀移竹

李遠

移一作新居一作移新一作移竹已堪看
刷破苔莓得幾竿圓節不

教傷粉籜低枝猶擬拂霜壇墻頭雨過如烟綠枕上風
來送夜寒第一莫教漁父見且從蕭颯滿朱闌

贈會稽張少府

方干

高節何曾似任官藥苗香潔備常餐一分酒戶添猶得
五字詩名隱卽難笑我無媒生鶴髮知君有意借漁竿
明年莫便還家去鏡裏雲山且共看

項洙處士畫水墨釣臺

畫石畫松無兩般猶嫌瀑布畫聲難雖云智慧生靈府
要且功夫在筆端潑處便連陰洞黑添來先向朽枝乾
我家曾寄雙臺下往往開圖盡日看

三堂詩集
初歸故里獻侯郎中

常思舊里欲歸難
已作歸心卽自寬
此日早知無爵位
當時便合把漁竿
朝昏入閨春將逼
城邑多山夏却寒
不是幽愚望榮忝
君侯異禮亦何安

周瑜廟

胡曾

共說生前國步難
山川龍戰血漫漫
交鋒魏帝旌旗退
委質吳王社稷安
庭際雨餘春草長
廟前風起晚花殘
功勲碑碣今何在
不得當時一字看

秋晚高樓

唐彥謙

松拂疎窗竹映闌
素琴幽怨不成彈
清霄霽極雲離岫

紫禁風高露滿盤
晚蝶飄零經宿雨
暮鴉凌亂報秋寒
高樓瞪目歸鴻遠
始信嵇康欲畫難

春別

章 碣

擲下離觴指亂山
趨程不待鳳笙殘
花邊馬嚼金啣去
樓上人垂玉筍看
柳陌雖然風裊裊
慈河猶自雪漫漫
殷勤莫厭貂裘重
恐犯三邊五月寒

下第有懷

故鄉朝夕有人還
欲作家書下筆難
滅燭何曾妨夜坐
傾壺不獨爲春寒
遷來鶯語雖堪聽
落了楊花也怕看
但使他年遇公道
月輪長在桂珊珊

寄毘陵魏處士朴

皮日休

文籍先生不肯官
絮巾衝雪把漁竿
一堆方冊爲侯印
三級幽岩是將壇
醉少毘因吟月冷
瘦多偏爲臥雲寒
兔皮衾煖篷舟穩
欲共誰遊七里灘

次襲美贈潤卿將歸雷平韻

陸龜蒙

朝市山林隱一般
却歸那減卧雲歡
墮堦紅葉誰收得
半盞清醪客酌乾
玉笈詩成吟處曉
金沙泉落夢中寒
真仙若降如相問
曾步星星繞醮壇

和襲美聞開元寺開筍園寄章上人

春龍爭地養檀欒
況是雙林雨後看
迸出似毫當垤塢

孤生如恨倚闌干，凌虛勢欲齊金刹。
折贈光宜照玉盤，更待錦苞零落後。
粉環高下搗烟寒。

寄東蜀幕中友

李洞

官亭池碧葉橪殷，遙想清才倚畫闌。
柳絮漲天籠地煖，角聲經雨透雲寒。
曉侵台座香烟濕，夜草軍書蠟炬乾。
爲語門人吟太苦，風摧蘭秀一枝殘。

舟行

鄭谷

九派迢迢九月殘，舟人相語且相寬。
村逢好處嫌風便，酒到醒來覺夜寒。
蓼水白波喧夏口，柿園紅葉憶長安。
季鷹可是思鱸膾，引退知時自古難。

右省張補闕茂樞同在諫垣連居光德新春賦咏
聊以寄懷

小梅零落雪欺殘浩蕩窮愁豈易寬惟有朗吟償晚景
且無濃醉厭春寒高齋每喜追攀近麗句先憂屬和難
十五年前諧苦節知心不獨爲同官

宣義里舍冬暮自貽

幽居不稱在長安滿淺浮春岸雪殘板屋漸移方帶野
水車新入夜添寒名如有分終須立道若離心豈易寬
滿眼塵埃馳騖去獨尋烟竹剪魚竿

下第述懷

張
蠟

十載長安祓未安
杏花還是看人看
名從近事方知險
詩到窮玄更覺難
世薄不慚雲路晚
家貧惟怯草堂寒
如何直道爲身累
坐月眠霜思枉乾

錢塘夜宴畱別郡守

四方騷動一州安
夜列樽罍伴客歡
簞策調高山閣迥
蝦蟇聲促海濤寒
屏間珮響藏歌妓
幕外刀光列從官
沉醉不愁歸棹遠
晚風一作曉帆吹上子陵灘

戲贈漁家

杜荀鶴

見君生計羨君閑
求食求衣有底難
養一箔蚕供釣線
種千莖竹作漁竿
葫蘆杓酌春濃酒
舴艋舟流夜漲灘

却笑儂家昆辛苦聽蟬鞭馬入長安

送于員外歸隱藍田

吳融

曾吟工部兩峯寒今日星郎得掛冠
吾道不行歸始是世情如此任應難
圍碁已訪生雲石把釣先尋急雨灘
若遇秦時雪髯客紫芝兼可備朝餐

中秋禁直

韓偓

星斗疎明禁漏殘紫泥封後獨憑闌
露和玉屑金盤冷月射珠光貝闕寒
天襯樓臺籠苑外風吹歌管下雲端
長卿祇可一作只爲長門賦未識君臣際會難

和王舍人撫州飲席贈韋司空

樓臺掩映入春寒
絲竹錚鏦向夜闌
席上弟兄皆杞梓
花前賓客盡鴛鸞
孫弘莫惜頻開閣
韓信終期別築壇
削玉風姿官水土
黑頭公相古來難

傷春

三月光景不忍看
五陵春色何摧殘
窮途得志反惆悵
飲席話舊多闌珊
中酒向陽成美睡
惜花衝雨覺輕寒
野棠飛盡蒲根暖
寂寞南溪倚釣竿

登樓寓望

劉兼

憑高多是偶沈瀾
紅葉何堪照病顏
萬疊雲山供遠恨
一軒風物送秋寒
背琴鶴客歸松徑
橫笛牛童卧蓼灘

獨倚郡樓無限意夕陽西去水東還

春夕寓興

忘憂何必在庭萱是事悠悠竟可寬
酒病未能辭錦里春狂又擬入桃源
風吹楊柳絲千縷月照梨花雪萬團
閑泥金徽度芳夕幽泉石上自潺湲

重陽感懷

載花乘酒上高山四望秋空八極寬
蜀國江山存不得劉家豚犬取何難
張儀舊壁蒼苔厚葛亮荒祠古木寒
獨對斜陽更惆悵錦江東注似波瀾

贈謙明上人

李中

雖寄上都眠竹寺逸情終憶白雲端閒登鍾阜林泉曉
夢去沃洲風雨寒新試茶經煎有興舊撈詩病捨終難
常聞秋夕多無寐月在高臺獨凭闌

晚春客次偶吟

暫駐征輪野店閒悠悠時節又春殘落花風急宿醒解
芳草雨昏春夢寒慙逐利名頭易白欲眠雲水志猶難
却憐邨寺僧相引閒上虛樓共倚闌

題青城觀

唐 球

數里緣山不厭難爲尋真訣問黃冠苔鋪翠點山橋滑
松纖香梢古道寒晝傍綠畦薺嫩玉夜開紅竈撚新丹

孤鐘已斷泉聲在風動瑤花月滿壇

塞上

譚用之

秋風漢北雁飛天單騎那堪遶賀蘭
磧暗更無巖樹影地平時有野燒瘢
貂披寒色和衣冷劍佩邊霜隔匣寒
早晚橫戈似飛尉擁旄深入異田單

江邊有寄

羅隱

江邊舊業半凋殘每軫歸心卽萬端
狂折野梅山店煖醉聽村笛酒樓寒
只言聖代謀身易爭奈貧儒得路難
同病同憂更何事爲君提筆畫漁竿

夜泊毘陵錫山縣有懷

草虫幽咽樹初團獨繫孤舟夜已闌濁浪勢奔吳苑急
疎鐘聲出慧山寒愁催髣髴凋何易貧戀家鄉別漸難
他日親朋應大笑始知書劍是無端

謝友人遺華陽巾

羅 鄴

剪霧裁烟勝角冠來從玉洞五雲端醉宜薤葉欹斜影
穩霽菱花子細看野客愛畱籠鶴髮溪翁爭乞配魚竿
真仙首飾勞相寄塵土翻慚戴去難

獻繫白馬詩

平 曾

白馬披鬃練一團今朝被絆欲行難雪中放去空畱跡
月下牽來只見鞍向北長鳴天外遠臨風斜控耳邊寒

自知毛骨還應異更請孫陽子細看

于秉和育萬校

清江雜錄

平會

更休首領於時青室土階漸建生機

醫館菱芥千畝香裡客愛西窗新綠幾處餘年寸碧魚竿

夜露凝眠細雨涼涼來炎王師正雲龍輔宜蕪葉新陰漫

橫丈人意華鬪中

新羅

昨日難眠臥大笑欲吟書檢長無游

庭前樹出慧山寒慙新綠幾處餘年寸碧魚竿

更休首領於時青室土階漸建生機

